

# *HO KHOLISA LENTSOE LA HAE*

 Ha re inamiseng lihlooho tsa rōna nakoana. Ntate ea Ratehang ea Maholimōng, re motlotlo ho ba mona bosiuung bona. Rōna, re motlotlo ho tseba Boteng ba Hao bo ena le rōna mona. Joale re U rapela ho ruta e mong le e mong oa rōna, kamoo re hlokang. Re e kopa ka Lebitso la Jesu. Amen. (Le ka lula fatše.)

<sup>2</sup> Ke thabo ha limaeke tsena li phela. Ke masoabi ka tšenyo ea maobane, haholo Molaetsa oo ke neng ke batlile hore le u fumane.

<sup>3</sup> 'Me keha ke le batlile hore le kholisehe ho e bona. Ke e—e ankora ea rōna. Ha rea ankoroa ke kereke. Re ankoriloe ka ho Kreste, ua bona. Ke eena Tsela eo. Ke eena feela nqalo ea polokeho, eona feela nqalo e Molimo a kileng a beha Lebitso la Hae. 'Me Molimo o tlalehile A tla kopana le batho nqaleng eo A khethileng ho beha Lebitso la Hae; ha se khorong e itseng, empa khorong e khethiloeng ke Eena. 'Me O tla kopana le batho nqaleng eo, home eona feela. 'Me re fumana Molimo a eso behe Lebitso la Hae nqa efe ntle le ho Mora oa Hae, Jesu Kreste, mora o nka lebitso la ntate ka mehla.

<sup>4</sup> 'Me joale u re, "Be, taba eo e sebetsa kae kajeno? E mong le e mong o re, 'Ke ka ho Jesu.'"

<sup>5</sup> Ke Lentsoe. Leo, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. Lentsoe le ne le etsoe nama la aha hara rōna." Hape, ho ngoliloe ho Tšenolo khaolo ea 19, mohla re Mo bonang a khutla, Monyaluo le Monyali, seaparo sa Hae se innoe Maling, "Lebitso la Hae o bitsoa 'Lentsoe la Molimo.'" Ke Lentsoe la Molimo.

<sup>6</sup> 'Me, hoo, Ke matla a phelisang. Ke Moea o Halalelang ke hoo, ke—ke sefutho se kenang ka hara lihlomo, Mantsoe, se Le phelisang. 'Me ntho eohle e tlameha ho sebetsa 'moho, ho seng joalo e ke ke ea sebetsa. E tšoanelo ho nka Bibele eohle, Kreste kaofela, Evangelie e tletseng.

<sup>7</sup> Ke batla ho bolella, moifo oo ke o boneng thelebisheneng maobane bosiu, ke tsebile hobane o tla hlaha, 'me ka o shebella. Ke batla ho thoholetsa baena bana, litho tsa moifo oo, bokhoni bo bokhabane hakaalo ba ho araba lipotso! Le ntseba, ke le mosomi e moholo, le hona, empa ha ho nyatsuoe letho mono. E ne e nèpahetse ka 'nete, 'me ke lumelane le eona, ka lipheresente tse lekholo. [Phutheho e opa liatla—Mong.] Kea le leboha. Amen. Keha likarabo tseo li otla botsekeng. Ruri kea e anela. Ea ka nka be ke tšoere filimi ho e bontša kereke lapeng. E ne e hlile e babatseha.

<sup>8</sup> 'Me ke leboha haholo ho tseba ha—ha Molimo o sebelitse le lilikalikoeng tse ling, thoko ho sehlopha sa rōna sa Pentekosta, 'me ho thonngoa banna, peō tseo tsa Molimo, esale li robetse kantle mono lilemo tsena tsohle, li emetse Leseli ho li chabela.

<sup>9</sup> Re boela re lemosoa, metsoalle, rea tseba Jesu o itse, "Mohla moroetsana enoa ea robetseng a tlang ho reka Oli, ke mohla Monyali a ne a fihla." Re ka bona ka hoo, ha re bona Episcopalian, Presbeterian, Methodist, Baptist, Lutheran, ba kena ho fumana Oli, Monyali o fihlile ka eona hora eo. Ha re hopoleng hoo.

<sup>10</sup> Ha ke eso fumane Billy, mora oa ka, a bua seo a se buileng nakoana e fetileng. O itse, "Ntate, ha ke u laele ho etsang. Ha kea ikemisetsa ho u khahlisa ka letho, empa," ha thoe, "ntate, leha u ka etsang, sebelisa nako e ngata ho rapella bakuli." A re, "Ha ke eso bone bakuli ba bangata hakana!" Ha thoe, "Ke abile litlankana tse makholo a mabeli nakoana e fetileng kapa e 'meli." Ha thoe, "Ho kula batho ba bangata haholo!" Ke ka seoelo a rialong ho 'na.

<sup>11</sup> Eaba ke fihla bosiusa bona ke ngotse lintlhana mona, le litlhahiso tse mabapi le kahlolo e tlang, re lutse mona bosiusa bona rea tseba hoba eona khalefo ea Molimo e reketla tlasa rōna, 'me e se e tla runya. Rea tseba khalefo ea Molimo e lopaletse; nakoaneng eo ho buuoang ka eona, e tla be e fetile, ho limione. 'Me ke e tseba pelōng ea ka, ke e tseba e le joalo! 'Me hape re bona bongata bo bokana bo kulang, bo hatellana bo hula.

<sup>12</sup> 'Me ka nahana, "Bosiung bona, boholo ba bona ke Bakreste." 'Me e re ke bue le bona, lona bana ba Molimo. Sohle seo le se etsang, le tèle lintho tsohle. Le sebeletse Molimo, motšeħare le bosiu, ka pelō eohle ea lona. Lona, lea utloa phoso e teng. Le ka bolela ha le tsamaea literateng, u mpa feela . . . le hohle moo u eang teng. Lea tseba, ha u le motho oa moeia; ke bile ke le tseba le le joalo.

<sup>13</sup> Ebile ke qoqile le monna, Moena Stromei. Ha ke tsebe haeba Tony a le teng mona, kapa che. Eena, o ne a . . . [Moena o re, "Tony Salameh?" — Mong.] Tony Salameh, Salameh, Salameh? Che. Ke bua ka Tony o sele. [Moena o bua ho hong.] Che, ke Tony o sele. Enoa ke Tony oa—oa—oa Tucson. Lebitso la hae ke mang? [Motho o re, "Stromei."] Stromei! Kea tseba ke Salameh, Stromei, kapa ntho e 'ngoe. Ntho eohle kea e . . .

<sup>14</sup> Monna o kene, lebenkeleng la hae, tsatsi le leng, e le ntho e hlollang, a bua ntho e nkhopolitseng taba, mohla ke leng . . . khetlon la ka la ho qetela koana—koana India.

<sup>15</sup> Moo, ke nahananang Morena a re file letšoelie le fetisang khetlong le le leng, koana Bombay. Re sa khone le ho ba fumanela malulo, batho ba mashome a likete tsa likete.

<sup>16</sup> Pejana re fihla mono, ha tolokoa leseli la litaba. Be, lona, India ke na ha ea maleme a mabeli, e le—e le pampiri ea Senyesemane. 'Me ha thoe, "Be, thothomelo ea lefatše e tšoanetse e be e fetile, kaha linonyana li fofa li khutlela lapeng lihlaheng tsa tsona."

<sup>17</sup> Matsatsi a 'maloa pele lefatše le reketla, le ileng la harasanya marako le lintho. Linonyana li ika hela majoeng, li haha lihlaha tsa tsona; ebe thapama kapa hara letšehare, ha letsatsi le chesa haholo, liphoo folo tsohle li ema pela marako a majoe, ho sirela moriting. 'Me ka matsatsi a mabeli, linonyana tsa hana ho lula lifateng, li sa batle ho kena lihlaheng tsa tsona; 'me ka matsatsi a mabeli, liphoo folo, linku le likhomo, tsa hana ho tla thapama, kapa ho ema pela marako ao. Tsa—tsa itšalla naheng tsa itšetleha e 'ngoe ka e 'ngoe, ho haha moriti.

<sup>18</sup> Eaba hang feela, thothomelo ea lefatše, e reketlisa marako ea heletsa meaho. 'Me, ua bona, hola linonyana tseo tsa sala mono, li be li tla timela. Hola likhomo tsa ema tlasa oona, le linku, li ka be li timetse. Molimo o lemosa tlhaho!

<sup>19</sup> Matsatsi a 'maloa a fetileng, tlase levenkeleng la Moena Tony, ka utloa monna a bua... Mohla thothomelo ena ea lefatše Alaska, o ne a tšoasa lihlapi tlase ho seo re se bitsang Stony Point, koana Mexico. 'Me a re, "Keha linonyana li hana ho ja, le lihlapi li hana ho ja. Phoso e ne e le teng. 'Me, eaba hang, lefatše le a reketla."

<sup>20</sup> 'Me tsatsi le leng, mohla ketsahalo eo India, kapa nqa efe, o boletse a ne a tšoasa lihlapi hape. A nahana, "Be, ho a makatsa. Li hlapi tseo li ja ka nako e kang ena. Ha ho leqhubu metsing, kae feela. Metsi a khutsitse tu, nako e phethahetseng ea hlapi ho ja, empa keha li sa je. Le linonyana tse tsoelang mono ka tloaelo, ligulls, tse inolang lihlapi le lintho, keha li itsamaela hohle lebopong, li itšetlehole e 'ngoe ka e 'ngoe. Nakoaneng feela, bolele ba leoatle ba biloha botebong ka mokhoa oo, thothomelo ea lefatše e ne e etsahetse nqa e 'ngoe ea lefatše." Ua bona, lihlapi tseo li tsebile hoba ntho e etsahetse, ntho e ne e le mothating oa ho etsahala. Le linonyana tseo li ne li tseba.

<sup>21</sup> Ruri, efela ha Molimo a nea hlapi le nonyana temoho, hakakang A ka nea ba Hae—bana ba Hae! Rea tseba re nakong ea qetello, 'me kahlolo e lopaletse, ha re ke re tšabeng ka 'nete ke hona. Balehela ho Molimo ka pelō eohle ea hao! "Oho Kapernauma, uena ea phahameng leholimōng, u tla kokobetsoa liheleng," 'me kajeno e robetse bolibeng ba metsi. Le hopole feela, 'me le rapele.

<sup>22</sup> Joale, bosius bona, ke batla ho bala sebaka mona Lengolong, nakoana feela. Re tlil'o rapella bakuli. Billy o itse o ntšitse litlankana tsa thapelo. Ebile o ntšitse tse ling maobane, ha kea finyella sefe feela maobane bosiu. 'Me ke ipotsitse, ha

Moea o Halalelang o ne o fihla...Ke feela...U ke ke ua O sebelisa. Joaloka levara e nyenyane, u kena gereng feela. Ke lona ba sebelisang Moea o Halalelang, ha se 'na. Ke lona ba e etsang ka bolona. Ka hona, maobane bosiu, ke hlokometse esita le neo ea temoho, ha ea thonya batho ka tšoanelo. Ba bonahetse ba sa ngomelane le eona. Ke fumane, hamorao tjena, ekare, bonnyane, kamoo ke boletseng, mabapi le ho beha bakuli matsoho, ba tseba.

<sup>23</sup> Re tlameha ho eleloa hore ka ho rōna re neiloe, rōna ba lumelang Jesu Kreste 'me re tsoetsoe ke Moea oa Hae re tletse matla a phelisang, matla ao a ahileng ka ho lona. Ka peō ea matsoho, holima ba bang, kamoo barutuo ba kileng ba sebetsa esita le ho theoha le mongoaha, O folisitse bakuli kannete, oa tsosa bafu, Oa hlahisa lipono, liporofeto. 'Me oona Moea o phetseng hara baapostola ba pele ke ona o phelang kahara kereke kajeno, o etsa tsona lintho tseo. 'Me hola re ka e eleloa ka potlako feela! Ua bona, ho sa tsottelehe na e sebetsa hakae, u tlameha ho e eleloa le ho e lumela. E ke ke ea thusa letho, pele u e lumela. Empa hang ha u e lumela, mathata a hao a felile. Ke 'nete.

<sup>24</sup> Joale ha re phetleng Lengolong. Ke ne ke lutse kantle mane, nakoana e fetileng, ka ngoapa Mangolo a 'maloa fatše, ho fetola therou ea ka ea bosiu bona. 'Me ke batla ho bala Lentsoeng la Molimo, ho tsoa Bukeng ea Mahalaleli Luka, khaolo ea 8, ho qala ka temana ea 40. Mamelang joale, ke tla hle ke bale haholo.

*Etse, hobane, Jesu a khutle, a amoheloa ke bongata:  
hobane ba ne ba mo lebeletse bohle.*

<sup>25</sup> Na e ke ke ea eba katamelo e ntłe eo ea letšoelé le le ngata bosiung bona?

*Joale, bonang, ha tla monna ea bitsoang Jariuse, eo e leng 'musi oa sinagoge: a itihela maotong a Jesu, a mo rapela hore a kene tlung ea hae:*

*Hobane o ne a ena le ngoanana a le mong, eo lilemo tsa hae li batlileng ho ba leshome le metso e 'meli, ea neng a le makhatheng a ho shoa. Eare ha a sa ea a petetsoa ke batho.*

*Eaba mosali ea neng a kula ke phallo ea mali e se e le lilemo tse leshome le metso e 'meli, ea neng a neile lingaka lintho tsa hae kaofela, a sa ka a folisoa le ke e 'ngoe,*

*O atamela ka morao, a ama qola ea seaparo sa hae: eaba phallo ea hae ea mali e khaotsa hang.*

*Jesu a re, Ke amiloe ke mang? Ha ba latola bohle, Petrose le ba nang le eena ba re, Monghali, bongata bo u petelitse bo a u hatella, 'me u bolela joang ha u re, Ke amiloe ke mang?*

*...Jesu a re, E mong o nkamile: hobane ke tsebile hoba matla a mang tsoile ho 'na.*

*Eare mosali eo ha a bona hoba ha a pateha, a tla ka ho thothomela, a oa pela hae, 'me a bolela pontšeng ho batho kaofela seo a mo amileng ka baka la sona, le kamoo a phakisitseng a folisoa kateng.*

*A re ho eena, Beta pelō, morali oa ka: tumelo ea hao e u pholositse; e-ea ka khotso.*

*'Me a re a . . . bua, ha tla motho ea tsoang ha 'misi oa sinagogue, a re ho eena, Morali oa hao o shoele; u se ke ua khathatsa Moruti.*

*Empa Jesu ha a utloa, a mo araba, a re, Se tšohe: lumela feela, 'me o tla pholoha.*

*Eitse ha a se a fihla tlung, a se ke a lumella le a mōng ho kena, haese Petrose, . . . Jakobo, le Johanne, le ntata ngoana le 'mae.*

*Ba ne ba lla kaofela, . . . ba mo llela: 'me a re, Se lleng; ha a shoaa, o mpa a ithobaletse.*

*'Me ba mo tšeha, hobane ba ne ba tseba hoba o shoele.*

*Empa eena a ba ntšetsa bohole kantle, a mo tšoara letsoho, a phahamisa ngoanana, a re, Ngoanana, tsoha.*

*Eaba moea oa hae o khutlela ho eena, a ema kapele: a laela hore ba mo fe lijo.*

*Batsoali ba hae ba tsota: a mpa a ba laea hore ba se ke ba bolella motho se entsoeng.*

<sup>26</sup> Joale ha re rapeleng. Ntata ea Maholimōng ea Ratehang, ha re bala Lentsoe lena, rea tseba ke 'nete. Taba ena e entsoe. Taba ena hase tšomo eo re e balileng pampiring kapa e tsoang bukeng ea litaba-khopolo, empa e tsoile Bukeng eo re e tsebang e le Lentsoe la Molimo. Rea lumela hoba e etsahetse. Re lumela hobane Jesu enoa ea entseng ketso e tsotoang ena, libakeng tse peli tsena, ea mosali ea nang le phallo ea mali, le ea ngoana ea shoeleng, rea lumela hobane Ke Mora Molimo, hore Molimo o Mo tsositsi bafung a Mo hlahisetsa rōna, bosiusing bona, ka motho e leng Moea o Halalelang.

<sup>27</sup> 'Me re lumela hobane O na le rōna mona bosiusing bona. Ho Mo lumela e le eena maobane, kajeno, le kamehla, kutloelobohloko tsa Hae li tsotella batho. 'Me ho batho ba Mo nanabelang, liphetho tse tšoanang le tsa letsatsi leo li tla etsoa letsatsing lena. Aba sena hape, Ntate, re tle re tlotsoe bocha. Joalokaha Moena Shakarian a kopile ka botšepehi, nakoana e fetileng, a ba a kopa letšoelle ho lumela, re e kopa hape ka Lebitso la Jesu Kreste. Amen.

<sup>28</sup> Ke batla ho bua nakoana feela, 'me e tla ba nakoana, kaha ke batla ho finyella batho ba tšoereng litlankana tsa thapelo

holimo mona le ho rapella bakuli. Ke tlola lintho tse ling kantle le ho rapella bakuli. Empa le pele re rapella bakuli, re tlameha ho kenya batho katamelong eo. Kamehla katamelo ke eona e behang litholoana. Ke katamelo ea hao nqa Molimo.

<sup>29</sup> Mona mosali o amile seaparo sa Hae, a folisoa, phallong ea mali. Lesole le kile la Mo tšoela sefahleho la Mo roesa mofapahlooho oa meutloa hloohong, athe ha lea utloa matla a letho.

<sup>30</sup> Ke katamelo ea hao. E qosa katamelo. 'Me ho a tšoana le bosiung bona, motsoalle ea ratehang, e qosa katamelo. Rōna, hape rea lumela, hore re ka pela Sefahleho sa Jesu Kreste, empa katamelo ea hao ke eona e hlahisang litholoana. Lihlomo li teng mona, le sefutho se teng. Ha u ka mpa ua qala feela, Molimo o tla etsa tse ling tsohle.

<sup>31</sup> Joale, sehlooho seo ke batlang ho bua ka sona, nakoana e itseng, ke: *Ho Kholisa Lentsoe La Hae*. Joale eo ke ntho ea tonana, ho e nahana: *Ho Kholisa Lentsoe La Hae*.

<sup>32</sup> Joale Molimo o khona ho kholisa Lentsoe la Hae, bosiung bona, joalokaha A kile a Le kholisa kamehla. Hape Bibele e itse, "Le pake lintho tsohle. Le tiisetse tse molemo."

<sup>33</sup> Joale le utloile, ntle le pelaelo, le utloile maele a khale, "Ha u ka e kholisa, ke tla e lumela." Empa hase 'nete e tileng eo. Ke bone lintho li kholisoa khafetsa, li bile li kholisitsoe ke mahlale, koana batho ha ba ka ba li lumela.

<sup>34</sup> Ke qoqile le monna, nakoana e fetileng mona. Re qoqa ka pholiso ea Khalalelo. A re, "Nke ke ka e lumela. Ha ke tsotelle se ka hlahang, leha kamoo u ka e kholisang, ha ke e lumele." Be, ruri, monna eo leha u ka mo etsetsa'ng, o—o lahlehile. A ke ke a lumela. Ha ho letho ka ho eena, ho lumela.

<sup>35</sup> Ke sa tsoa hlaheloa ke—ke boiphihlelo mona, nako e batlileng ho ba veke e fetileng, kamoo bohole le ntsebang ke—ke tsoma. Eitseha ke khutla kopanong ea ka, esale ke tsoma tau. 'Me hoba ke fallele Arizona, ho hotle, ke rata ho tsoma liphoofolo tse khōlō, hape ke rata ho kena hara tlhaho ke e behe leihlo.

<sup>36</sup> Joale, ha ke 'molai. Ke mpa ke tsoma feela. Ka baka leo, ha ke—ke rate ho senya letšolo, ha ke—ke nahane e le toka. Ho bolaea letšolo u sa tī'u le sebelisa le ho sebelisoa ka morero, ke sebe se lekanang feela, se itšoanelia le ho bolaea ntho efe. Kea lumela ho phoso. Ha rea tšoanelia. Molimo o re neile lijo le merero, 'me ha rea tlameha ho li senya. Empa joale seo molao o reng u ka se nka, ho lokile. Empa u se ke ua e senya.

<sup>37</sup> 'Me 'na tlase mono, ke ka sehla sa eng le eng. Litau li bolaea makhomoo a mangata. 'Me ke tsebana le boramapolsi ba bangata holimo mono naheng. 'Me khafetsa ha ba bolaeloa, khele, ba mpitsa, ha tau e kena mankung. Motsoalle oa ka ea itseng, bosiu bo bong, o lahlehetsoe ke didolara tse batlileng ho ba likete tse

tharo le makholo a mahlano, ka bosiu bo le bong, ka baka la tau e le 'ngoe e bolaileng likonyana feela. Ea kena, 'me, ehlile, litau tse ling li tla tšoanelo ho belesoa sebe sa eona. Eaba ke fumana tau, tau ea tonana, ea maoto a robong, boima ba eona ekaba makholo a mabeli le lethonyana, ehlile e le—e le tau e ntle ea tonana.

<sup>38</sup> Eaba ke tloha naheng ea Arizona, ka nyolohela Utah, ho tsoma. Eaba kea bolelloha ha thoe batho ba teng holimo mono, ha thoe monna ea tla tsoma le 'na, e ne e le sechehi sa 'muso, "Me, jo 'na, u se ke ua bua letho ka borapeli, pontšeng ea hae." Ha thoe, "Ehlile ke thaka le khohlahetseng."

<sup>39</sup> 'Me ka re, be, ka joetsa ea tsamaeang le 'na, ka re, "Nke ka bua ka bona."

<sup>40</sup> A re, "U se ke ua bua ka 'moreri.' Ha u ka etsa, u ke ke ua khona ho tsoma. A ke ke a u nka." Ha thoe, "Nkile ka tsoma le eena matsatsi a mararō, ka robala le eena bosiung ka bong, ka ja le eena letsatsi ka leng, 'me ha a eso re 'U robetse joang. U phelang joang? U batla ho ja na? Hlatsoa lijana.' Le letho!" Ha thoe, "Joale u se ke ua bua letho ka eona."

<sup>41</sup> Ka re, "Nke ke ka bua letho." Ha kea 'molella ke sa tl'o rapela, empa ka tsoella ka 'molella hore kea... 'Me ke ne ke rapela.

<sup>42</sup> Ha re fihla holimo mono, ra fihlela monna oa semelo se thata haholo, 'me a batla a sa lumele letho kea kholoa. A sa tsoa lahleheloa ke lesea masui a 'maloa pele ho moo, ngoana ea hlahileng a khathetse. Ka baka leo, ra tloha ra ea tsoma. Tsatsing labobeli, monna ea tsomang le 'na o ne a 'moleletse, hore ke tsoma hohle naheng. Hoba setsumi se seng, se tsamaeang le 'na, se tsamaee, ha le liqhoeng holimo koana; mono re sa tsoa qobokisa tau, ra e kenya mafikeng, eaba e a re balehela. Eaba re lutse mono re emetse ntja ho khutla. Monna enoa a re ho 'na, a re, "Setsumi se seng, motsoalle oa hao, o re u tsoma hohle. U na le chelete e ngata?" Ho re, "Kea kholoa ha e batle 'na."

<sup>43</sup> Eaba ke re, "Che," ka rialo, "hase chelete e ngata." Ka rialo, "Ke—ke tšeheletsoe."

<sup>44</sup> 'Me a re, "Oh, kea bona." A re, "Be, kea kholoa ha e batle 'na hape, empa," ho re, "u sebeletsa feme e u tšeheletsang?"

<sup>45</sup> O ne a e fatolla hantle kahare ho 'na. Ke ne ke tšepeisitse ho se etse joalo, ua bona. Ka hona ka re, yaa, ka re, "Che, monghali, ke moreri, mishinari."

A re, "Eng?"

<sup>46</sup> Ka re, "Mishinari." Eaba o ema feela a ncheba metsotso e 'maloa.

<sup>47</sup> Ka re, "U na le tšepeo ea Bophelo ka morao ho mona? Tšepeo ea hao ke efe?"

A re, "Na ke mo-Jack Mormon."

'Me ka re, "Eng?"

A re, "Mo-Jack Mormon."

Ka re, "Ebe oo ke mofuta mong?"

<sup>48</sup> Ha thoe, "Ke o rohakanang o noang kofi, o tsubang lisakrete."

Ka re, "Be, maipolelo a tšepehileng ke sehlare sa moea."

<sup>49</sup> Eaba o re—o re, "Ke batla ho u botsa." A re, "Ho thoe kereke ea Mormon ke eona feela to kereke ea 'neta." A re, "U lumela ntho eo?"

<sup>50</sup> Ka re, "Mabapi le kereke, kea kholoa e itoketse joaloka efe hara tsona. Ke tseba 'Nete e le 'ngoe, 'me eona ke Jesu Kreste." Ka re, "Kea tseba U Lokile."

<sup>51</sup> "Be," a re, "Ke fumana lesea bosiu bo bong, le hlahile le khathetse." A re, "Ho thoe lesea lena, kahobane le hlahile le khathetse, Molimo ha o a bululela phefumoloho ea bophelo ka ho lona, ho thoe ha ke sa tla le bona." A re, "U nahanang ka taba eo?"

<sup>52</sup> "Be," ka re, "Ha u na ho khona haeba u le mo-Jack Mormon, ehlile lekhale. Ke eona feela taba e tiileng, u ke ke ua le bona haeba u ituletsa u le mo-Jack Mormon." 'Me a re... Be, esale a tšututsa, eaba le 'na ke mo sututsa nakoana, le a bona. Ra fumana—fumana ho sututsa nakoana. Ka hona a re—a re... ka re, "Molato ke'ng?"

A re, "Oh, ha ke tsebe." 'Me a re, "Be, u nahana'ng?"

Ka re, "Ke tsebana le batho ba bangata ba lokileng ba..."

<sup>53</sup> Ke ne ke sa mo tseba e le mo-Mormon. 'Me ehlile ke ne ke... Kea tseba, erekaha e le Utah, koana ho ka ba joalo, empa ke... hoba batho ba bangata holimo mono ke ba tumelo ea ba-Mormon, mathokong a Salt Lake City. Ena e ne e se Salt Lake City, leha ho le joalo. Eaba kea nahana, "Be, ke kopane le metsoalle ea ba-Mormon, meleng ea thapelo, ke batho ba lokileng."

<sup>54</sup> 'Me ka re, "Ke kopane le banna ba lokileng e leng—leng ba-Mormon." 'Me a re, be, a re... Ka re, "Ha ke tsebe thuto ea bona mabapi le hoo, ebile ha ke batle ho bua letho khahlano le thuto ea bona, kaha le uena u le eena, 'me ke hlile ke e hlompha haholo." 'Me ka re, "Be, na le uena u a e lumela?"

A re, "E, monghali, bo. Empa," ho re, "ha ke phele ka eona."

<sup>55</sup> Ka re, "Be, ke lumela Bibebe e ruta Molimo o tsebile lesea leo, khale lilemo tse limilione tse fetileng, le pele ho motheo oa lefatše." Ka re, "Molimo o boleletse Jeremia, 'Le pele o emoloa popelong ea 'mao, le pele u tsoa mpeng, Ke u tsebile, ka u halaletsa, ka u beha moporofeta oa lichaba.'" Ka re, "O le tsebile hakaalo, ua bona."

A re, "Be," a re, "kea u leboha."

<sup>56</sup> A qala a tsamaea a theoha leralla. Hoba a kopane le thaka le leng lena, a re, "Horeng u sa mpolella hoba thaka leo ke moreri?" 'Me ka baka leo re... A qoqa le eena nakoana a qala a 'molella ka likopano.

<sup>57</sup> Joale, ba-Mormon ba lumela boporofeta. Ha ke... mohlomong ha ba eo mona, empa bao—empa ba lumela ho—ho boporofeta. Empa, ka baka leo, mohlomong ke bua ke sa ipapisa le sekolo, empa ke... Yaa. Yaa. Empa, leha ho le joalo, ba lumela.

<sup>58</sup> 'Me o re, a khutlela ho 'na, ho re, "Ho thoe u moporofeta."

<sup>59</sup> Ka re, "Che, monghali." Ka re, "Ke... Morena o mpontšitse lintho tse 'maloa tse tla hlaha."

<sup>60</sup> Eaba o a tloha, ka eona nako eo, ha thoe, "Ha re kene kahare." Eaba o kena koloing ea hae, a theohela ho... motsaneng oa habo. Nakoaneng feela, keha a nyametse. Re ntse re hlophisa lintja, ho ea boela re tsoma hape kamora lijo. 'Me hoba re etse, khele, a thakhoha ka koloi ea hae.

<sup>61</sup> Nakoaneng e se kaalo, ha fihla mohlankana ea chitja, a batlide ho ba lilemo tse leshome le metso e supileng, ruri eka motho oa morapeli oa Mokreste. A re, "Enoa ke moena oa ka." Ho re, "Hase mo-Jack Mormon. Ke mo-Mormon oa makoma."

Ka re, "U phela joang, mora?"

<sup>62</sup> Eaba o re, "Ha ke utloisia, ka moena ha a mpolella, ho thoe u moporofeta."

<sup>63</sup> Ka re, "Che, monghali." Ka re, "Hase hore ke moporofeta." Ka re, "Morena o mpontšitse lintho eaba li a etsahala."

<sup>64</sup> A re, "Sephaka sa ka hona joale se hlabiloe ente, ke tlameha ho hloella tafole ea karo." A re, "Empa moena o mpoleletse sena. 'Me ka re, 'Haeba ho le joalo, ha ke hloke karo.'" A ncheba hantle mahlong, ka chebo ea sebele, e tšepehang, ea makoma, ho re, "Mpee matsoho. Haeba lintho tsena li le tjena, nke ke ka hloka karo." A tloha a ea lapeng a phetse.

<sup>65</sup> Moena enoa, motsoalle oa ka oa Mokreste, ea n'a tsoma le 'na, ho tsoa Phoenix. A re ho 'na, a re... Bashanyana ba bang bana ba lutse mona hona joale. Ke tseba e mong oa bona ea leng teng. Re ile ra ea lapeng. A re, "Moena Branham, efela ha Morena a ka u hlahisetsa pono a u lumella ho borella ba-Moromon se tlang ho etsahala, ke phetho, hobane ba se lebeletse."

<sup>66</sup> Ka hona, ka rapela ka ba ka rapela. 'Me tseleng ha ke khutla, ha ke nyoloha, Mantaha o hlahlamang, Sontaha, ha e batlide ho ba hora ea leshome, ke ne ke eme ka phaposing, hoba kereke e tsoe hoseng hoo, 'me ke shebile kantle.

<sup>67</sup> Eaba ke bona maseli a tšoelimang, kapa leseli le tšoelimang la mofuta. 'Me ka bona tau hara sefate, 'me—'me

e le nyenyane haholo ho 'na ho e thunya. Ke sa e batle. Eaba motho e mong o a e thunya, 'me, hoba ba etse joalo, ba e thunya ka sethunya se seholo haholo. Sa phatlola tau eo feela. Ka se ke ka ananela kamoo e—e—e sebelitsoeng.

<sup>68</sup> Eitseha ke fihla holimo Phoenix, ka borella Moena Dawson, le Moena Mosley. 'Me kea mo tseba o teng mona. Ke 'mone tsatsi le leng, nqa e 'ngoe. 'Me o ne a nyoloha le 'na, eena le mohatsa'e. 'Me ka re, "U shebe 'me u ele hloko, eo ke HO RIALO MORENA. E tla etsahala ka mokhoa oo."

<sup>69</sup> Ra shebella masiu, masiu a mane kapa a mahlano, esale re tsoma, kapa matsatsi. Ke ka seoelo u ka salang mohlala oa tau morao bosiu. Ha etsahala hore, ha re khuttlela hae, ba lokolla lintja, setsumi sena, moshanyana enoa oa mo-Mormon. 'Me e—e tau ea tšoara mohlala, kapa ntja ea thola mohlala oa tau, ke rialo, ea e kenya sefateng. 'Me eaba ba fihla ka hora ea leshome bosiu, ba re tsosa betheng. Ra tsoela kantle, ka bona eona tau hara sefate. Maseli a tšoelima, Moena Mosley a e thunya ka sa moetso oa mashome a mane a metso e mene, sa batla se phatlola tau mekhethetho e 'meli. 'Me keha e le eo, kamoo e boletsoeng hantle.

<sup>70</sup> Tsatsi le hlahlamang, ka kopana le letseka mookameli oa tlhaho oa lebatooa, mo-Jack Mormon e mong. Ka tšoara bashanyana bao 'moho, ka ba tataisetsa lapeng ho Kreste.

<sup>71</sup> Kea le borella, Ke eena maobane, kajeno, le kamehla. Molimo o kholisa Lentsoe la Hae hore le joalo.

<sup>72</sup> Le utloile batho ba reng, "Ho lumela ke ho bona." Hase 'nete e tiileng. Batho ba bangata ba bona 'me ha ba lumele."

<sup>73</sup> Mehengl ea Jesu holima lefatše, horeng ba sa Mo eeloola, hore E ne e le Lentsoe leo la Molimo le pepesitsoeng? Horeng batho ba sa eeloola hore Moshe o itse, "Morena Molimo oa lona o tla le hlahisetsa moporofeta ea joaleka 'na"? 'Me O phethile Lentsoe le leng le le leng leo Bibele e itseng O tla le etsa, empa ha ba ka ba e lumela.

<sup>74</sup> Empa Molimo, mongoaheng o mong le o mong, oa kholisa Lentsoe la Hae e le 'nete. O kholisa Lentsoe la Hae kamehla. Ka linako tse ling ba bua, ba re, "Ho lumela ke ho bona." Ha ho joalo. Empa rea tseba Molimo o tsoelapele ho kholisa Lentsoe la Hae mongoaheng o mong le o mong.

<sup>75</sup> Rea tseba O e kholisitse Adama le Eva, mohla A reng, "Mohla le se jang, ruri le tla shoa." Re tlameha ho e amohela, hore ke 'nete. Rea e lumela, hobane O re kholisitse eona, 'me rea e tseba ke 'nete.

<sup>76</sup> Joale re tla qotsa libaka tse 'maloa moo Molimo a kholisitseng Lentsoe la Hae. Ha re qotseng, ho tea mohlala, matsatsing a—a Nohe. Molimo o buile le Nohe ka molaetsa o hananang le mahlale 'me o sa khlooehe. Ha ho motho ea neng a ka lumela. Pula e ne e eso ne lefatšeng. E hanana le mahlale!

<sup>77</sup> Mohlomong keha e le mongoaha o fetang oa rōna ka mahlale hona joale, hobane ba hahile lipiramite le lisfinkse, le lintho tse joalo, matsatsing ao, tse re sitang hona joale. Ba ne ba fupile matla, kapa matla a itseng a machini, a kang a athomiki kapa ho hong, ba khona ho phahamisa lipitlahali tseo, kajeno li ka re sita. Empa ba entse lintho tse khōlō tsa mahlale. Ba khonne ho noka 'mele, o shebahale e le oa tlhaho makholo a lilemo. Bonono boo bo re phomile.

<sup>78</sup> Jesu o itse, "Joaloka matsatsing Nohe, ho tla ba joalo ho khutleng ha Mora motho." 'Me rea tseba re kenella mongoaha o mong o moholo oa mahlale.

<sup>79</sup> 'Me joale molaetsa oa Nohe o ne o hlile o hohlana le tumelo ea letsatsi leo, kahara kereke, hape o hlile o hohlana le tšibollo ea mahlale. Empa Molimo o kholisitsoe hoba Lentsoe la Hae e ne e le 'neta. Molimo oa kholisa hobane seo moporofeta eo a se buileng e ne e le 'neta.

<sup>80</sup> Re tla boela re qotsa e mong nakoana feela. Abrahama e be e le moporofeta e mong oa Morena, eo Lentsoe le ttileng ho eena. 'Me o ne a bolelloe, mohla lilemo tsa hae li leng mashome a supileng a metso e mehlano, 'me Sara a le mashome a tšeletseng a metso e mehlano, ha thoe o tla fumana lesea ka Sara. Joale, mosalamele o ile a haroha letsoalo. Le ka nahana, kajeno, hola ntho e joalo e ka hahla letsatsing lena, hara liphihlello tsa rōna tsohle tsa mahlale, le ka masea ana ao ba buang ka oona a lichupu, le lintho tse joalo? Empa mosalimoholo enoa, joale oa lilemo tse mashome a tšeletseng a metso e mehlano, le monnamoholo oa lilemo tse mashome a supileng a metso e mehlano, empa Lentsoe la Morena le tlie ho Abrahama la 'molella sena se tla etsahala. Eaba Abrahama o lumela Molimo. Joale, ho sa tsottelehe na Molimo o buile hakae, le hore e ne e nèpahetse hakae, Abrahama o ne a tlamehe ho lumela polelo ea Molimo, ho e etsahatsa. Joale le shebe kamoo monna eo a ileng a lekoa kateng, ka bopaki ba hae, hore o ne a hlile a lumela.

<sup>81</sup> Eena monna eo ea pakileng hakaalo, a ipoletse a lumetse Molimo, ke motho ea joaleka lona, ba lutseng mona bosius bona. Re sa ntse re lumela Molimo. Re tlameha ho lumela hore Lentsoe la Hae ke 'Nete. 'Me O tla e kholisa, hore Ke 'Nete, hola feela re ka e lumela.

<sup>82</sup> Joale shebang tšitiso ea Abrahama. Le ho qala feela lilemo tsa hae, li mashome a supileng a metso e mehlano, le Sara o mashome a tšeletseng a metso e mehlano. A se a tlotse phethoho ea bophelo khale, menophose. Ntle le pelaelo e khaolitse khale, lilemo tse ngata pele. A phetse le eena joaloka mosali. E ne e le khaitseli ea hae ngoana moholoane oa hae, a mo nkile mohlomong esale ngoanana oa lilemo tsa boleshome, a ba a mo nyala. 'Me a se na bana. A hloka thari ka bottlalo. 'Me joale rea fumana, ho etsa sena, a tlameha ho ikhetha bathong bohole ba neng ba sa e lumele, hore e tle e etsahatsoe.

<sup>83</sup> Ha ke re u tlameha ho ikhetha bathong. Empa u tlameha ho ikhetha litšepong tsohle tsa ho se lumele, u suthe ho eona. Ha batho ba re, “Ah, lintho tseo ha li etsahale! Seo ke sehlopha sa batho ba mahlanya! Ntho e joalo ha e etsahale,” u ikoale litsebe u tlohe u tsamaee. U se ke ua e natsa ka letho.

<sup>84</sup> Bibele e tlalehile “Abrahama ha a ka a sisinyeha tšepisong ea Molimo, ka ho se lumele; a mpa a ipha matla, a ntse a boka Molimo.” Lebitso la hae la fetoloa ho tsoa ho Abrame ho ea ho ho Abrahama, phetolo ea lebitso ea fetolela lebitso la hae ho, “ntata lichaba.” Le nahanang ka monna ea phelang le mohatsa’e, moratuoa oa hae, a phetse le eena joale lilemo tsena tsohle, ’me joale kae lilemong tsa mashome a robeli, ’me mohatsa’e a le mashome a supileng, le joale ba se na le ngoana a le mong kapa le eona tšepo ea ngoana, koana a ipitsa “ntata sechaba.” Na le ka nahana nyatso ea mphato oa hae ea fetang a re, “Ntata lichaba, hona joale u na le bana ba ba kae?” Le litšomo tsohle tseo a neng a tlameha ho li feta!

<sup>85</sup> Empa Abrahama a se ke a sisinyeha kae kapa kae, ka ho se lumele. O lumetse hobane Molimo o khona ho phethisa seo A se tšepisitseng, hore Molimo o tla kholisa Lentsoe la Hae, ho sa tsottelehe bolelele ba eona. Empa bakeng sa ho fokola nako le nako, ka tloaelo ea röna, a ’na a ipha matla nako le nako. “Haeba e sa etsahala kajeno, hosasa e tla ba mohlolo o moholoanyane, hobane e holile ka letsatsi le le leng.” E ne e le Molimo, e ne e le Molimo ka ho Abrahama, o tsebile hore Molimo o kholisitse Mantsoe a Hae kaofela a le joalo.

<sup>86</sup> Holane bana ba Hae ba ka inkela Lentsoe la Hae, hore A tle a Le kholise ka uena! Ke oona feela mokhoa oo A ka kholisang Lentsoe la Hae.

<sup>87</sup> Ha A Le kholisetse bomosalumele. Ba ke ke ba kholisoa; ke bomosalumele. Empa, ha Le a lebisoa ho bomosalumele. Ha Le a etsetsoa bomosalumele.

<sup>88</sup> Le etselitsoe ea lumelang. ’Me hola A ka fumana motho ea tla lumela Lentsoe la Hae, O tla kholisetsa Lentsoe la Hae ka uena. ’Me ka linako tse ling maloetse le lintho tse re hlahelang joalo, hore Molimo a tle a Ikholise.

<sup>89</sup> Le sa hopola monna oa sefovua ea fumaneng ke Jesu? Ba itse, “Ebe ho sitiloe mang, eena kapa ntata’e, ’mè oa hae?”

<sup>90</sup> A re, “Lebakeng lena, ha ho mang, ke hore mesebetsi ea Molimo e tsebahatsoe.” Ua bona, e hlahetse moshanyana morero e le ho tlotsisa Jesu. Ka nako tse ling maloetse ha se thohako, ke hloholofatso, re tle re khone ho hloma tumelo ea röna kantle mane ’me re bitse lintho tse leng sieo, eka hoja li le teng. Molimo o itsalo, ’me O tla e kholisa e le joalo haeba u sa tenyetsehe tlasa teko.

<sup>91</sup> O khonne ho hlahloba Jobo, ka mohla o mong, hore a ke ke a Mo rohaka sefahlehong sa Hae. Le shebe teko eo Jobo a e fetisitsoeng. Empa tlase botebong ba litlena tsa lefu, le joale a re, “Moena o neile, Morena o nkile, ho bokoe Lebitso la Morena!” O ne a hlile a e lumela. Molimo o kholisitse Lentsoe la Hae ho Jobo. O le kholisitse Abrahama. O le kholisitse joalo.

<sup>92</sup> Hape O e kholisitse ka Moshe. Ke mohla Moshe, lintho keha li eme khahlano le eena, eaba Moshe a nahana kelellong ea hae, hore mohlomong, ho fetoha moloanèli, ekaba ’maè o ’moleletse hore o hlahile e le ngoana e motle. E-e ne e le moholisi oa hae ea mo holisitseng ka tlung ea Faro, ntle le pelaelo o ’moleletse, “Mora, re rapeletse tokoloho ea röna, ’me re lumela hoba ke uena ngoana eo Molimo a tla mo sebelisa ho re lokolla.” ’Me eareha a . . .

<sup>93</sup> Lea bona, o ile a hola ’me e tla ba—ba mora oa morali oa Faro, ’me re mo fumana e tla ba mojalefa oa terone. Khele, ntle le pelaelo mohlang oo kelello ea bona ea mo hopola, e tla ba mohlahlami oa Faro, “Me o tla lokolla batho ka mokhoa oo, ka ho hlahlama Faro.” Empa Molimo o no o ena le . . . Hola ea etsoa joalo, ekabe’ba o e sebelitse ka lihlomo tsa tlhaho, ka khato ea—ea—ea lipolotiki. Empa hase kamehla Molimo o sebetsang joalo.

<sup>94</sup> Molimo o sebelisa litsela tsa Hae, ’me O itse O tla “ba ntša.” Mohla A bolellang Abrahama, “Hoba ho fete lilemo tse makholo a mane,” O tla “ba ntša, ka letsoho le matla,” O tla “etsa lipontšo le meeka.” Ka baka leo A ke ke a e sebetsa joalo, ka baka leo Abra—. . . Re fumana Abrahama a lumetse Molimo, ’me joale mona Moshe ke enoa o lumela Molimo.

<sup>95</sup> ’Me Moshe o nyaretse ka sona sefesetere seo Faro a se sebelisitseng, o bone bona batho bao. Faro o ba shalimme, e le, “Batho ba rohakiloeng, batho sa sa tšoarang letho haese khahlakhahla ea bohlanya, ka nqa ea Molimo, e le Molimo oa lehoatata oa nqa e itseng ba sa tsebeng letho ka eena; thupa e sa bonoeng eo ba e rapelang, eo ho seng letho ho eona. Ke sehlopha sa mahlanya. ’Me e le mphi ea makhoba. ’Me Molimo oa bona a ba teletse ho fetoloa makhoba, ho paka hore E ne e se Molimo.”

<sup>96</sup> ’Me hantle khabareng eohle, keha A ntse a hlahisa monna eena eo. Molimo o sebetsa lintho ka litsela tse hlollang, hantle tlase bona. Hase moithuti oa thutamolimo, hase moruti, hase moprista, hase e mong oa banna ba bona ba halalelang; empa ke monna oa tlaelo feela, ea tsoaletsoeng mosebetsi. ’Me Molimo a mo bilelitse ho ba moporofeta oa Hae, a mo rometse tlase mono. ’Me a sa tšoara letho letsohong haese molamu o khopo, ho khahlana le sesole, mabotho a hlometseng lihlomo a bile a hapile lefatše lohle. Empa ka molamu oo letsohong la hae, kamoo Molimo o mo laetseng ho tšoara molamu oo

letsohong la hae 'me a tla loela Israele, eaba o a theoha 'me a e phethisa hoba Molimo a e tsepisitse. Ebe o tla e khona joang? "Ke tla ba le uena."

<sup>97</sup> A re, "Mpontše khanya ea Hao, Morena. Ke motho ea molomo o boima. Ha ke bue hantle. 'Me ke . . ." Ke a fupile meitatolo e milione.

<sup>98</sup> Empa A re, "Ke tla ba le uena." 'Me e le phetho se hlokoang. A tloha, a tšoere Lentsoe la Molimo. Ho sa tsotellehe na mosebetsi o bonahetse o le kotsi hakae, Moshe a 'na a lumela Molimo. 'Me Molimo oa kholisa Lentsoe la Hae, ka Moshe, e le 'nete. Hobane, ho sa tsotellehe se hlahleng, Moshe a 'na a lula Lentsoeng. Mehleleng ea leeto . . .

<sup>99</sup> Molimo o no o ba boleletse, tlase Egepeta, hape, hore O tla ba lokolla, "Ho ba kenya lefatseng la pallo, lefatše le letle, le kollang lebese le linotsi." 'Me keha le hlile le le teng. Ha ba le tseba le le teng, empa O itse, "Le teng, 'me Ke le file lona. E se e le la lona, tlohang feela le le tseke!"

<sup>100</sup> 'Me lefeelleng, mohla ho tsoileng ba bangata, ba hobela Moeeng, mohla Meriama a qhautsang moropana; ba ejia manna a tsoang Leholimōng; ba utloile Moshe a bina Moeeng; ba bone mehlolo le lipontšo tse hlahleng. Empa mohla ba khahlanang le makhaolakhang, ho lumela Lentsoe lohle la Molimo, tsepiso eohle, ba hlolehile.

<sup>101</sup> Hoa lumela ba babeli feela ba bona, e ne e le Joshua le Kalebe. 'Me ba khutlile ba tšoere bopaki ba lefatše le letle.

<sup>102</sup> Empa, maemo ao, ke ona a ba sitsitseng. Hobane, ba itse, "Re sitoa ho hapa lefatše, kaha metse ea bona e haelelitsoe e likiloe ke marako, bonkhetheng ba bona—bona—bona mono. E sang bonkhetheng, empa batho ba bona—bona ke liqhabane tsa litonana. Khele, rōna re tšoana le mehloenyane, pel'a bona."

<sup>103</sup> Joshua le Kalebe ba itse, "Re khona ho le hapa ka ho fetisisa." Hobaneng? Molimo o ba neile lona, ho sa tsotelloe bonatla ba liqhabane. Khanyetso e ne e sa re letho ho bona. Molimo o boletse joalo! 'Me eaba Molimo o e kholisa ka bona. 'Me ba hlile ba theoha 'me ba hapa lefatše, kamoo Molimo o itseng ba tla khona. A ba kholisetsa eona.

<sup>104</sup> Joale, eitseha ba nyoloha ka khoeli ea 'Mesa, mohla metsi a lepellang lithabeng, a tšella melatsoana ea lehloa, le intho tse joalo, Molimo o bonahetse e le mogenerale ea bohlasoa, ka ho tataisetsa lebotho la Hae nqalang eo hantle, keha A ba thibeletse a ba khaotse lefatšeng la pallo. 'Me mohla A ne a ba tšelisa, a tla ba tšelisa, e le ka khoeli e mpehali ho feta ea selemo. Ka khoeli eo Jordane a phophomang mabopo, a phalla a kena masimong. Khele, haeba ba tlil'o ba tšelisa, eka khona e be nakong ea lehlabula, mohla ba khonang ho qaputsa ba parola. Empa Oa emela mohla metsi a tebileng. O rata ho ipontša hobane Ke Molimo. O rata ho kholisa Lentsoe la Hae, ho sa tsotellehe.

<sup>105</sup> Leha ngaka e ka rialo, “U bolaoa ke mofetše.” Ke phetho seo monna eo a se tsebang. Ekaba metsi a tebile haholo bakeng sa hao, bosiung bona. Empa, hopola, Molimo o tsepisitse. Molimo o boloka Lentsoe la Hae, ebile Molimo o kholisa Lentsoe la Hae. Ke ’Nete.

<sup>106</sup> A emela metsi ho lukeha pele, hofihlela a kokomoha a ba koahela lihlooho, le joalo, eaba O bulu tsela. Oa ba etella pele ’me oa hleka tsela.

<sup>107</sup> Ebe Jeriko, ba tla e kena joang, athe e haelelitsoe kamahohle? Joshua a ’na a ipotsa. O tsebile hoba Molimo o mo tsamaisitse ho fihla mona, khato e latelang ke ea Molimo.

<sup>108</sup> Tsatsi le leng, mohla a ntseng a itsamaela, a shebile marako, a bona Monna a eme a tsomutse sabole ea Hae. Le eena a nonya sabole ea hae a tloha a khahlana le Monna eo, a re, “Uena U emela lehlakore lefe? Ana U emela rōna kapa U emela sera sa rōna?”

<sup>109</sup> A re, “Ke Molaoli oa makhotla a Morena.” Eaba O mo laela hore a etseng. A ka butšoela terompeta joang ’me marako a helehe, athe ba ne ba beisa makoloi a ntoa holima oona? E amana kae le terompeta?

<sup>110</sup> Molimo o sebelisa litsela tse nyatsehang. E tjena, ho nyatseha ha eona, ke hona ho e fetolang Molimo ho ’na. Ha re phetse ho ’na re leka ho fumana ntho ea tonana, e tla etsa ho hong, ’me Molimo...mokhatlohalo o tla sheshena ntho eohle o hleke tsela. Athe, Molimo o nka motho ea nyatsehang, monna a le mong eo A ka mo fuparang matsohong a Hae, ’me O tla kholisa Lentsoe le leng le leng leo A le buileng, ka Eona. E etsoa ka litselana tse nyatsehang hakalo!

<sup>111</sup> “Butšoela terompeta.” Ha se ho fata lerako, empa, “Butšoela terompeta feela, ’me marako a tla heleha. Ho qhoma ha terompeta ho tla heletsa maralo a putlame.” Bosaoana bo bo kakang kelellong ea nama! Empa Molimo o pakile hoba Lentsoe la Hae le nēpahetse, hoba marako a ile a heleha, a qhaphana holimo. Ba ile ba nyoloha hantle ba hapa motse.

<sup>112</sup> Oh, Molimo o rata ho Ikholsa e le Molimo! Joshua o e tsebile. Tsatsi le leng, mohla a emeng mono, se seng sa limaka tse khōlōhali tse kileng tsa lhaha, kathoko ho lefu, kēpelo, le tsoho ea Jesu Kreste. Mohla sera...Ke mohla a neng a ba qobokisa, ’me mabotho a fapaneng a itjalile holima lithaba. A ba tsoakelitse, ’me letsatsi le se le likela. Oh, khili, nako ea tonana ho Mogenerale Joshua!

<sup>113</sup> Le hopole, o loantsitse naha eo eohle, a se na sepatala, mooki, tlami ea thuso ea tšohanyetso, kapa monna ea lemetseng. Mpolelleng ntho e ka hlolang eo. E, monghali. A se na lipatala, ho se baoki, ’me ha a ka a lahleheloa ke monna ofe, ha ba tsamaea ka thato le ka Lentsoe la Morena feela. Molimo o kholisitse hoba O na le bona. Ke hantle. Lemohang joale.

<sup>114</sup> 'Me re fumana Joshua a tsebile, ha ho ka phirima, ba tla khukhuna 'me ba tlatsane, 'me—'me ba iteanye ba ipope lebotho le leholo, o tla qhoaketsana le bona ka mahlonoko tsatsi le hlahlamang. A sa tsebe hore a etseng, eaba o lelala ho Molimo. A hloka thuso, 'me a hloka ho emisa letsatsi leo tsi. Eaba o laela letsatsi leo ho ema tsi, 'me le... a laela "khoeli ho lopalla holima Ajalone," e se ke ea sutha pele a e laela. Eaba khoeli le letsatsi li ema lihora tse mashome a mabeli a metso e mene, mohla Joshua a ne a loana ntoa 'me a fenya sera, hoba a ne a kene temeng ea kutlo hantle. A ena le tokelo ho e etsa, hobane o ne a utloile molao oa Molimo.

<sup>115</sup> 'Me ha feela ueme temeng ea kutlo, u bolokile Lentsoe la Molimo, u etsa seo A u laetseng sona, u hoanta ka litaelo tsa Molimo, u na le tokelo ea ho laela thaba eo, "Sutha!"

<sup>116</sup> Molimo o boloka Lentsoe la Hae. "Ha u re ho thaba ena, 'Sutha,' u sa belaele pelōng ea hao, u mpa u lumela hoba seo u se boletseng se tla hlaha, u ka fumana seo u se boletseng." Jesu o itsalo, ho Mohalaleli Mareka 11:22. Eona ke 'Nete. Ke e tseba e le 'Nete. Ke Lentsoe la Molimo, 'me hoo ho paka hoba ke 'Nete. Ka linako tse ling rea tšaba. Re fihla mono, re tšaba hore A ke ke a boloka Lentsoe leo. O tla boloka Lentsoe leo. O itse O tla e etsa. Joale, re e fumana nèpahetse. O e kholisitse.

<sup>117</sup> Seporofeto sa Esaia, ka mohla o mong, etsoe ke ntho e-so etsahale; e ne e-so etsahale pele, 'me ha eso hlahe ho tloha mohlang oo. O itse, "Moroetsana o tla emola." Le reng ka mosali, ea sa tsebeng monna, a fumana lesea? Esaia o itse, "Moroetsana o tla emola."

<sup>118</sup> Eaba Molimo o emolisa moroetsana, ho kholisa Lentsoe la Hae hoba ke 'neta. O ile a kholisa Lentsoe la Hae, hoba moroetsana o bile a emola 'me a tšoala Mora.

<sup>119</sup> Joale, Lentsoe leo le ne le entsoe nama, shebang seo Le se entseng. Mohla Mora eo a neng a fihla, E ne e le Lentsoe Bolona. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha hara rōna."

<sup>120</sup> E ne e le Lentsoe leo le phelang. O kholisitse hore E ne e le Lentsoe leo le phelang. O boleletse baruti bao ba letsatsi leo, "Ke mang ea ka Nqosang ka sebe?" Sebe ke "ho se lumele." "Ke mang ea ka Mpolellang ha thoe Ke mosalumele? Lentsoe le leng le le leng le ngoliloeng ka 'Na, le phethiloe." Liporofeto tse supileng tsa ho qetela tsa bophelo ba Hae li phethiloe lihoreng tse supileng tsa ho qetela, sefapanong. Sohle se neng se ngoliloe ka Eena, se ile sa phethoa, hobane E ne e le Lentsoe. O pakile hore E ne e le seo, sona. O folisitse bakuli. O tsositse bafu. O hlotse lefu, lihele, le lebitla. O kholisitse hore E ne e le Lentsoe.

<sup>121</sup> Lemohang ketsahalo ena mane tlung ea Jariuse. E ne e le... O ne a ba boleletse 'nete. Re Mo bona A parola leoatle. A kena kahare.

<sup>122</sup> Mosali ke eo holima leralla, o ne a neile lingaka chelete ea hae eohle. Ntle le pelaelo, lingaka li ne li entse sohle seo li se tsebang, ho phekola mosali eo; mohlomong e le lingaka tsa Baheberu, e ne e le mosali oa Moheberu eo, ka hona ba entse sohle ho thusa khaitseli ea bona. Leha ho le joalo, ba sitoa ho thiba phallo ena ea mali, mohlomong, eona, e ne e le nako ea menophose 'me mali a hae esale a phalla hofihlela a... mothoana oa batho a se a tšerema a sa khone ho tsamaea. 'Me o ne a utloetse ka Jesu. Eitseha a bona seketoana se sutumetsoa hara meluoane, a tloha ho ea batlisisa.

<sup>123</sup> Keha basomi ba Hae ba bangata ba eme mono. 'Me le kajeno basomi ba Hae ha ba tapa. Holane ba tseba hore na E ne e le Mang, e ka be e se basomi ba Hae. Empa e ne e le basomi ba Hae kaha ba sa ka ba tseba hore E ne e le Mang.

<sup>124</sup> Le Molaetsa o a itšoanelo le kajeno, banna ba bangata ba lokileng le basali ba nyatsa Sena hobane ba sa tsebe na Ke eng.

<sup>125</sup> Jesu o itse, "Holane le tsebile Moshe, le ka be le tsebile le 'Na. Moshe o buile ka 'Na. Banna ba bangata ba baholo ba ne ba lakalitse ho bona letsatsi lena. Ekare ha Ke sa etse mesebetsi ea Ntate oa Ka, le se ke la lumela ho 'Na. Bopaki ba Ka," O boletse, "bo boholo ho ba Johanne, hobane mesebetsi eo Ke e etsang, e kholisa hore Ntate o na le 'Na." O ne a etsa mesebetsi e meholo ho feta, hoba E ne e le Ea netefatsoang. Johanne le eena o ile a netefatsoa, joaleka lentsoe la ea hooang feelleng. Empa eitse Eena ha a fihla, keha E le moporofeta eo Moshe a 'moletseng a tla hlaha.

<sup>126</sup> Kamoo ke buileng bosiu bo bong, O tlie ka mabitso a mararō; lebitso la Mora oa Molimo, Mora motho, le Mora oa Davida.

<sup>127</sup> Mehengl ea Hae lefatšeng, khetlo la pele, E ne e le Mora motho. Mohlang oo E ke ke ea eba Mora Molimo; ha A eso ipitsé joalo. O ile A ipitsa "Mora motho." Enereha ha motho a Mo botsa, ebe O re, "U a bona Mora motho; Mora motho." Joale, "Mora motho" ke moporofeta. O ne a tlamehile ho tla joalo, hobane, Lengolo, kaha A ke ke a tla khahlano le Lengolo.

<sup>128</sup> Ka hona, kajeno, Molaetsa oa rōna—oa rōna oa hora ena o ke ke oa tlisoa ke baithuti ba thutabomolimo le thutabomolimo, o tlameha ho khuttlela ho seo o tšepisitseng ho se etsa. O tšoanetse joalo.

<sup>129</sup> Ka hona rea fumana, kahara Monna enoa, O ne a tlamehile ho ba moporofeta. Mono ha se Mora Molimo, O ne a tlameha ho ba Mora motho. Jehova ka Sebele o bitsitse baporofeta, Jeremia le bao, "Mora motho." "Etlare ha le bona Mora motho..." "Mora motho ke mang?" keha ba sa phetse ho botsa.

<sup>130</sup> Mohlang oo, O sebelitse ofisi ea Hae ea Mora motho. Hape O sebelitse ofisi ea Hae joale e le Mora Molimo. Molimo ke Moea, 'me joale O sebelitse mehleng ea Mengoaha ea Kereke, e le Mora Molimo. Joale, Lilemong tse Sekete, E tla ba Mora Davida, mohla A lutseng teroneng ea Davida. E tla ba mojalefa oa terone, Mora Davida. Mora motho, Mora Molimo, Mora Davida, 'me e sa ntse e le Monna eo ka linako tsohle.

<sup>131</sup> Joaloka Ntate, Mora, le Moea o Halalelang; ofisi ea Molimo. E ne e le Molimo Ntate, eaba O fetoha Molimo Mora, hona joale Ke Molimo e leng Moea o Halalelang. Hase Melimo e merarō; Molimo o le mong, ponahatso tse tharō, litholoana tse tharō tsa Molimo o le mong.

<sup>132</sup> Joale rea fumana, horeng ena eo re phelang ho eona joale, Molimo o boloka Lentsoe la Hae joalokaha A entse mohlang oo.

<sup>133</sup> Re Mo fihlela a tšela leoatle. Mosali enoa o ne a lumetse ho Eena, ntho ea qala ea futha ka ho eena. A sa tšoara Lengolo la eona, le Joshua o ne a sa tšoara Lengolo la ho emisa letsatsi, empa pelōng ea hae o Mo lumetse hore e ne e le Mora Molimo. Eaba o re, "Ha nka ama qola ea Hae feela, ke tla phekoloa." A ntoo hatella a fohra letšoele hofihlela a ama seaparo sa Hae, eaba phallo ea mali e a khaotsa.

<sup>134</sup> Joale, ebile O sheba letšoele, ho fumana ea Mo amileng. Ntle le pelaelo, motho e mong o ne a le teng. A ema. Batho ba ne ba hatellana holima Hae; ba bang ba Mo soma, ba bang ba Mo tšeja; baprista ba eme thokoana ba Mo botsa lipotso, le eona tšebeletso ea bolisa, le ba joalo. Empa ba bang ba Mo lumetse. 'Me, 'me ka mora nakoana A ema, hang feela, a retoloha, ho re, "Ke mang ea Nkamileng?"

<sup>135</sup> Ba bang ba bona ba itse, "Khele, Mong'a rōna!" Kea khlooa ke Petrose ea itseng, "Khele, letšoele lohle le hatellana holima Hao. Khele, ke mang ea U 'amileng'? Khele, mang le mang o ntse a U ama!"

<sup>136</sup> A re, "Empa Kea lemoha hoba matla a mang a tsoile ho 'Na." O ile a fokola. E ne e le kamo e fapaneng.

<sup>137</sup> Holane re ka e bona feela, moena, khaitseli! Holane u ka Mo ama ka kamo e ikhethang eo! Oh, lona batho ba kulang, ke itokisetsa ho le rapella, metsotsong e 'maloa. Kea lumela hore ke na le Moea o Halalelang, oona Moea o Halalelang o lekanang le oa lona kantle mono, oa banna bana mona. Oona Moea o Halalelang, empa ke molao oa Molimo; 'me ha u ka lumela hore ke molao oa Molimo, oa ho rapella bakuli, le ho ba beha matsoho, le ho leleka meeaa e mebe, le oa litsepiso tseo A li entseng, ho tla ba joalo le ho lona. Le tla fumana seo le se kopileng, ha le ka e lumela.

"Na u a lumela hore Nka etsa see?" Jesu a rialo.

<sup>138</sup> “E-ea, Morena, kea lumela,” ho rialo monna oa ngoana ea tšoeroeng ke sethoathoa, “Kea lumela hore U Mora Molimo ea neng a tla tla lefatšeng.” Joale, rea tseba ho qosa katamelo ea mofuta oo ho hlahisa litholoana.

<sup>139</sup> Joale, ka potlako, ha re nahaneng ka Eena nakoana, ke Enoa O nyoloha ka tsela. Mona ho theoha moprista e monyenyan, ntle le pelaelo thaka leo e le molumeli oa moeli.

<sup>140</sup> Ba bangata ba joalo lefatšeng kajeno, balumelinyana ba moeli. Ba batla ho E lumela. Ba batla ho lumela hore Moea o Halalelang ke oa sebele. Ba batla ho lumela hore ena ke khato ea boapostola, kamoo Molimo a tšepisitseng matsatsing a qetello A tla tšela Moea oa Hae. Rōna...o batla ho lumela ho Malakia 4, hore O tšepisitse, e reng matsatsing a qetello e—e Tumelo ea ho qala ea pentekosta e tla khutlisetsoa ho—ho kereke.

<sup>141</sup> Malakia 4 e a e tlaleha. “Bonang, Ke ea le romela Elia letsatsing la ho qetela,” ke hantle, “’me o tla busetsa Tumelo ea bana ho bontate,” ua bona, “Tumelo ea bontate ho bana, hape.” Ua bona, e tlamehile joalo.

U re, “Be, e ne e le Johanne Mokolobetsi.” Che, che.

<sup>142</sup> Johanne Mokolobetsi e ne e le Malakia 3. Ke hantle. Mattheu 11 e rialo, “Haeba le ka lumela, ke eena ea boletsoeng ha ho thoe, ‘Bonang, Ke roma lengosa la Ka pela sefahleho sa Ka.’” Ehlie, e ne e le Elia. Jesu o itsalo. Empa ha se Elia oa Malakia 4, ho hang.

<sup>143</sup> Hobane, “Hang hoba Molaetsa oo o fete, lefatše le tla chesoa ka mollo, ’me ba lokileng ba tla tsamaea holima melora ea ba bolotsana.” Ha ea hlaho mehleng ea Johanne. Re tlameha ho fumana Molaetsa o haolang ’me o ntša batho maemong ana a mekhatlo ea malumeli, ho ba khutlisetsa qalong, Tumelong ea makhonthe ea pentekosta. ’Me re e bona e etsoa, ke phethahatso ea Lengolo le tlamehang ho etsahala. Mangolo ohle a tšoanela ho phethahatsoa. Re ka lebisa ho a mangata, a ka ja nako ea ka haholo joale, ho bontša. Empa le utloisia lintho tsena, hore e tlameha ho etsahala tjena feela, ho bana ba Abrahama, joalokaha A tšepisitse.

<sup>144</sup> Joale re bona Jesu a nyoloha ho ea folisa ngoanana. Hobane, ntate, molumeli e monyenyan oa moeli, o fihlide moo a eleletsoeng Jesu, ka hona, ngaka e ne e mo tetse. Eaba o roala katiba ea haee ntšo ’me a theoha ho bona haeba a ka fumana Jesu. Ua bona, O teng mono kamehla ha u ’Matla. O Mo fumane ha a fihla lebopong feela.

<sup>145</sup> ’Me a re, “Tloo u bone ngoanana oa ka, U mo behe matsoho, ’me o tla phela.” Ha thoe, “O robetse lintšing tsa lefu. Ke ngoana a le mong ho ’na.” Ha thoe, “O lilemo li leshome le metso e ’meli. Ha re na bana. ’Na le mohatsa ka,” mohlomong, “rea tsofala. Ke eena ngoana a le mong ho rōna, ’me o robetse lintšing tsa lefu. Morena, ke a U lumela. Feela ha U ka tla beha matsoho a Hao holima hae, o tla phela.”

<sup>146</sup> Ua bona, o lemohile eng? O lemohile hore Lentsoe leo la Molimo la tsepiso le bonahetse ka ho Monna enoa.

<sup>147</sup> Joalokaha Nikodema a buile, “Rabbi, moruti, rea tseba U moruti ea tsoang ho Molimo. Rea e tseba. Bafarisi ba tseba.” Hobaneng ba sa e paka? “Ha ho motho ea ka etsang tseo U li etsang, Molimo a se ho Eena. Rea tseba U tsoa ho Molimo.”

<sup>148</sup> Mona re fumana Jariuse a lumetse hona hoo. O itse, “Tloo behe letsoho la Hao.” O tsebile hore Molimo o ahile ka ho Eena. “Beha matsoho a Hao holima ngoana oa ka. Leha a lelintsing tsa lefu, o tla phela.”

<sup>149</sup> A ’na a tsamaea le eena nakoana. Eare a sa tsamaea, setitimi sa khutla se matha, se re, “U se ke ua Mo khathatsa, u se hlole u khathatsa Mongame. E—e ngoanana, o shoele, o se a iketse joale. O hlokahetse.”

<sup>150</sup> Jesu a reteleha ho Jariuse, ha thoe, “Na ha Kea u bolella ka re, ‘Ha u ka lumela, u tla bona khanya ea Molimo’? Ha u ka e lumela feela!”

<sup>151</sup> A ntso kena phaposing, ’me e le bao, bohole ba ntse ba lla ba hooeletsa, ba bokolla, joalokaha batho bafe ba ka etsa. Ngoanana ea lokileng, morali oa molisa, o ne a shoele, ’me a nkiloe lefatsheng lena. ’Me esale a shoa lihora, ba mo robalitse liphateng, ba itokisetsa ho noka setopo sa hae, re ka rialo, ba mo pate, a ntano epeloa.

<sup>152</sup> Re fumana Jesu a kena tlung. Ba ntse ba lla bohole. O re, “Ha e be khotso.” A re, “Ha a shoa, o mpa a robetse.”

<sup>153</sup> Le ka nahana seo ba se nahanneng? “Khele, monna enoa rea tseba, joale. Ho thoe Ke ngoana bonyatsi. Ebile re utloetse ka liketso tsohle tsa Hae, bolepi ba Hae bohole ba bosaoana boo A bo lepang. Joale rea tseba hoba moprista o nepile, ‘monna eo o a hlanya,’ rea tseba hore ngoanana eo o shoele. Ngaka e mo tlalehile a ‘shoele,’ ’me ke eo o robetse mono. O hlokahetse, re bile rea tseba hore o shoele.” Ba rialo, ba Mo ja litseho, ka mantsoe a mang, ba Mo hlabisa lihlong, ka ho Mo nyefola.

<sup>154</sup> Empa O sa tsoa mo tlaleha a sa shoa. Ke phetho se hlokoang. “O robetse.” Ho sa tsotelloe basomi, O tlil’o kholisa Lentsoe la Hae! Eaba O ba ntša bohole tlung, a ntša bomosalumele bohole. A nka Petrose, Jemese, le Johanne, balumeli, lipaki tse tharō, le ntate le ’mè, a kena a tšoara letsoho la morali, a bua ka puo e khutlisitseng moea oa hae koana Bosafeleng. Eaba ngoanana o a phela.

<sup>155</sup> O ile a etsang? A kholisa Lentsoe la Hae. O kholisitse A se buileng. O ne a sa shoa. O ne a robetse. Joale rea fumana, ka ketso ena, rea lemoha, mono O kholisitse ntho e ’ngoe. Joale O kholisitse hoba E ne e le Molimo. O kholisitse hoba O ruile boitsebelopele. Shebang seo Lentsoe la Hae le se buileng joale. “Ha a shoa, o mpa a robetse.” Ua bona, o ne a sa shoa,

le ho qaleng. O ne a robetse. Taba eo e supile boitsebelopele ba Hae. Joale, mohlomong ho shoele makhabunyane a mangata hoseng hoo, empa enoa o ne a sa shoa. O ne a robetse, joaleka Lazaro. 'Me eaba O mo phaphamisa borokong boo, kaha a ne a sa shoa.

<sup>156</sup> “Me ea lumelang ho 'Na, leha a shoele, o tla boela a phela; 'me ea phelang a lumela ho 'Na, a ke ke a shoa le ka mohla.” Ba ngotsoeng Bukeng ea Bophelo ea Konyana feela, bao A ba lopolotseng mohla A ne a eshoa, ke bona feela bao A tla ba bitsa borokong boo, ka letsatsi leo, bao ba phelisitsoeng ke matla a Hae, bao matla ana a phelisang a ahileng ka ho bona. Joalokaha ke boletse maobane bosiu; esita le ka mora lefu la Elisha, masapo a hae a robetse lebitleng, matla a phelisang ao keha a ahile masapong a hae.

<sup>157</sup> Ehlide, O kholisitse hoba E ne e le Mang. Joale re boela re fumana, ka ho tšoana, O boetse a kholisa, hoo, ho Baheberu khaolo ea 4 le temana ea 12, O kholisitse hoba E ne e le Lentsoe la Molimo. E hlile bo. Le shebe seo A se entseng. Baheberu, 12, Baheberu 4:12 e rialo, “Lentsoe la Molimo le matla, le bohale ho fetisa sabole e lelitsoeng ka nqa tse peli, e—e bile Ke Mohlanoli oa mehopolo le oa merero ea pelō.” Elang hloko nakoana joale.

<sup>158</sup> Mohla A ne a qala tšebetso ea Hae, ka mora hoba A kholise hore E ne e le Lentsoe, mohla A tsoang molekong oa Hae feelleng, monna ea reiloeng Petrose, mohlang oo lebitso la hae e ne e le Simone. Eaba o fihla ho Jesu le moena oa hae, Andreatse. Hang hoba a fihle ka pela Sefahleho sa Jesu Kreste, Jesu o itse, “Lebitso la hao u Simone. Ntatao e ne e le Jonase. Ho qala joale o tla bitsoa Petrose.” Hoo ho kholisitse hore E ne e le Lentsoe, hobane Lentsoe ke Mohlanoli oa mehopolo le oa merero ea pelō. E ne e le Lentsoe.

<sup>159</sup> Filipi o e bone e etsoa. Eaba o tloha a potela ka thaba, a tsamaea letsatsi le le leng, a ntoo khutla. A khutla le motsoalle ea bitsoang Nathanaele. 'Me a re, “Linthro tsena li etsahala kannete. Moshe o itse 'Morena Molimo oa rōna o tla hlahisa Moporofeta' ea joaleka eena, 'me Monna ke enoa. Khele, A bolella Simone hore na ke mang, esita le ntatae, 'me rea tseba seo A se bolelang ke 'nete. Hobane, Molimo o e buile Lentsoeng, 'me mona e a pakoa hoba O ne tlameha ho etsa hoo, 'me hoo ho a paka hoba eo ke Messia.”

<sup>160</sup> Eareha a fihla ka pela Sefahleho sa Hae, Jesu a re ho eena, ha thoe, “Bonang Moiseraele, eo ho seng mano ho eena.”

<sup>161</sup> A re, “Rabbi, U ntsebella kae?”

<sup>162</sup> Ha thoe, “Le pele Filipi a u bitsa, u sa le tlasa sefate, Ke u bone.” O ile a kholisa Lentsoe la Hae. O ile a kholisa Lentsoe la Molimo. O e entse.

<sup>163</sup> Mosali selibeng, mohla a nang le... Be, A ntso mo kopa ho Mo fa metsi ka nkho eo a khang ka eona selibeng, eaba o re, "Hase tšoanelo ho lona Bajuda ho kopa rōna basali ba Samaria tse joalo, hobane rea ilana."

<sup>164</sup> A re, "Empa holane u tsebile eo u buileng le Eena, u ka be u kopile metsi ho 'Na."

A re, "Seliba se tebile."

<sup>165</sup> Eaba moqoqo, ha o tsoelapele, qetellong A fumana bothata ba hae. Eaba O re, "Ea lata monna oa hao, le tle koano."

A re, "Ha ke na monna."

<sup>166</sup> A re, "U boletse teng, hoba u bile le ba bahlano, le eo u lulang le eena joale ha se monna oa hao."

<sup>167</sup> "Khele," a rialo, "monghali, kea lemoha hobane U moporofeta." Eena... "Esale re mo hlokile lilemo tse makholo a mane, u a tseba." Ha thoe, "Kea lemoha hobane U moporofeta. Joale, rea tseba Messia mohla a tlileng, ea bitsoang Kreste, mohla A tlileng, O tla re bolella lintho tsena. Eo e tla ba pontšo ea Hae."

<sup>168</sup> Eitseha A re, "Ke Eena ea ntseng a bua le uena," O ile a kholisa Lentsoe la Hae. Eena... re kholisa seo A itlalehileng ho ba sona. E ne e le Messia, Mora Molimo.

<sup>169</sup> Joale rea fumana, hape, hobane mosali enoa ea nang le phallo ea mali, ea amileng seaparo sa Hae, taba eo e kholisitse ho eena hore E ne e le Lentsoe la Molimo.

<sup>170</sup> Joale hopolang, bosiusing bona, Jesu o itse... Hape, ho Baheberu, 1, Baheberu khaolo ea 3, kea kholoa, O boletse joalo, "Ke Eena joale Moprista e Moholo eo," ho mongoaha ona oo re phelang ho oona joale, "Moprista e Moholo ea lutseng Boholong ba Molimo, Maholimōng, ea ka angoang ke maikutlo a mahlomola a rōna."

<sup>171</sup> Baheberu 13:8 e boletse, "Esale Eena, maobane, kajeno, le kamehla." Ke Molimo o tšoanang le Oa mohlang oo. Esale Eena bosiusing bona.

<sup>172</sup> Mohalaleli Johanne 14:12, O itse, "Ea lumelang ho 'Na, mesebetsi eo Ke e etsang o tla e etsa le eena. O tla etsa le e fetang ena, hobane Ke ea ho Ntate oa Ka." Ua bona? "Ea lumelang ho 'Na, mesebetsi ena eo Ke e etsang le eena o tla e etsa."

<sup>173</sup> Ho Mattheu 28, O itse, "Ho se ho se ho kae 'me lefatše ha le sa tla Mpona, haele lona le tla Mpona, hoba Ke tla ba le lona esita le isa bofelong ba lefatše."

<sup>174</sup> Jesu Kreste eena maobane, kajeno, kamehla. O eme, bosiusing bona, ho kholisa Lentsoe la Hae. (Nako ea ka e ile.) Empa O kholisitse hoba A ka khona. O kholisitse Lentsoe la He mohlang oo, seo A se tšepisitseng letsatsi leo. O kholisitse mantsoe a Esaia. O kholisitse mantsoe a Nohe. O kholisitse mantsoe a Moshe. O ile a kholisa mantsoe a mporofeta e mong le e mong.

<sup>175</sup> O e tsepisitse letsatsing lena, letsatsi leo re phelang ho lona, ha thoe lefatše le tla hohломela maemong a Sodoma, lihomosekuale. Shebang hohle lefatšeng kajeno, hohle lefatšeng moo ke tsamaeang; ha se mona feela, hohle. E a nyarosa. Koana Sweden, banna ba bacha le basali ba thellisa holima lehloa, ba tsotse. Hape le bao koana Jeremane le Fora, le hohle feela, ke hlakantsutsu e tšoanang le mona Linaha tse Kopaneng. Ke mongoaha. 'Na, ha nka fumana monyetla ka khutla, ke tla bua ka litaba tsena tsa boporofeta, le lona, ho le bontša eona, mongoaha oo re phelang ho oona. Bibebe e boletse, "Bana ba tla laola batsoali ba bona."

<sup>176</sup> [Sekheo lebanteng—Mong.]...Lentsoe.

<sup>177</sup> Empa, le hopole, Abrahama o bile le peō, peō eo e ne e le Isaaka. Eaba o fumana lipeō tse ling ka mora ho shoa ha Sara. 'Me a le lilemo tse lekholo le mashome a mane a metso e mehlano, a nyala mosali e mong, a tsoala bara ba supileng ho sa baloe barali, hobane Molimo oa boela oa mo fetola mohlankana mohla lilemo tsa hae li leng lekholo. Mohlang oo keha a boetse a le mashome a mane a metso e mehlano feela, ka baka leo a... Re tseba seo. Nkile ka le rerela eona mona California, lilemong tse fetileng.

<sup>178</sup> 'Me joale rea utloisia hoba Peō ea Abrahama e ne e se peō ea namana e tlileng ka bong ba hae ka Sara, e neng e le Isaaka, ea bopileng sechaba, empa Peō ea borena e tlie ka pallo, eona ne e le Jesu Kreste. 'Me ka Peō eo, O hlahisitse Peō ea borena. Oh, khili! Joale rōna re marena le baprista, sechaba sa borena, sechaba se halalelang, se hlahisetsang Molimo lithoriso, e leng sehlabelo sa melomo ea rōna e rorisang Lebitso la Hae. Molimo o kholisitse Lentsoe la Hae, O tsetse Moea o Halalelang holima rōna.

<sup>179</sup> O itse, "Joaloka matsatsing a Sodoma, ho tla ba joalo letsatsing leo Mora motho a tla be a senoloa ka lona." Joale na le lemohile? Ho tloha ho Mora Molimo, pejana A fetoha Mora Davida, O boela A itšenola joaloka Mora motho. Na le lemohile Lengolo?

<sup>180</sup> Hoba, O etsa joalo kamehla, ha A etse letho pele A le tsebisa bahlanka ba Hae baporofeta. Ka nèpo. Eo e ne e le tsepiso ea Hae. Ua bona? Ha A etse letho le ka mohla... Molimo a ke ke a etsa leshano. O e senola kamehla, pele, le pele A e etsahatsa.

<sup>181</sup> Shebang maemo a rōna kajeno. Le shebe moo re leng teng. Mang le mang oa lona o tla lumela hoba re kahara Sodoma ea mehla ena. Lea tseba hobane naha ena e beiloe monoana. E tlotske ke litšepo. Sechaba sena kapa se sechaba sefe ha sea sieloa pholoso ea letho. Re e tlotske khale joale. Liporofeto tse porofetiloeng mabapi le sena, li phethiloe. Molimo o ntse a khoahlapisa, a tsoma nku eo ea ho qetela moo e leng teng. E tla kena, tsatsi le leng. Re nakong ea qetello. Shebang, malulo.

<sup>182</sup> Kea le botsa, feela joaloka moena kapa khaitseli, ho haha tumelo nakoana pele re rapella batho bana. 'Me kea tseba ha rea beeloa ka nako. Empa ke—ke—ke batla ho qala mola oa thapelo, lona ba tlamehang ho tsamaea le ka ikela. Ua bona? Lona le batlang ho salla mola oa thapelo le ka sala. Empa e reng 'na, joaloka moena feela, ke le bontše ntho nakoana.

<sup>183</sup> Shebang Jesu, ho Luka 17:30, ua bona, mohla A ne a bua ka nako ea bofelo mono, kamoo ba tla tšoana le ba matsatsi a Nohe. Eaba O re, "Le joalo, ho tšoana, le mehleng ea Sodoma," ha thoe, "mohla Mora motho a ntseng a senoloa." Mora motho hape, e seng Mora Molimo. "Mora motho," ua bona, hoo ho boela ho khutlisa Malakia 4 hape, hantle ho khutla. Liporofeto tsena tsohle li kena hantle, kamoo e tlamehang ho etsoa. O a kholisa hore Lentsoe la Hae le joalo. Ke hantle.

<sup>184</sup> 'Me le lemohe, ka ho etsa joalo, kamoo A tla tšela nama eohle ka Moea oa Hae, le se tlang ho etsahala, kamoo khutlisetso e tla boea kateng. "Le bara ba lona le barali ba tla porofeta. Le joalo Ke tla tšela Moea oa Ka holima bahlanka ba Ka ba batona le ba batšehali.' Me Ke tla hlahisa lipointšo holimo maholimōng."

<sup>185</sup> Mona ke tšoere setšoantšo, sa Moena Lee Vayle mona. Ke rata ho le bontša se tsoa hlaha holima thaba, letsatsi le leng, mohla bana ba sekolo ba neng ba ntšitsoe, ke pejana ho buloa temana ena, Litiiso tse Supileng tsena. Mohla bana ba sekolo ba neng ba ntšoa, ke le holimo mono ke rapela, mona eaba ho theoha Mollo o kang fanele, ebe o nyoloha o ntoo qhalana, o ntoo khutla o theoha hape. Ke sona seo A se laetseng ho ea se bolella batho. Rōna...Ke Oo, likolo tsa Tucson li entse...le moo O ileng oa nyolohela sebakeng.

<sup>186</sup> Eaba mahlale a katlatsta litšoantšo, le lilo tse joalo, eaba E a botsisisoa. Ba itse, "Ebe Le ho kae? Ho etsahetse'ng?" Ha ba khone ho e lekanya, ua bona. Oh, ha ea etsoa ka chebeleng, empa letsoalo ke lona le rothofalitsoeng. Ha lea ka la...Jesu, mohla A neng a fihla mona, limilone tsa batho ha lia Mo tseba a le holima lefatše. Yaa. Kajeno limilione li ke ke tsa utloisia, limilione tse mashome tsa bona.

<sup>187</sup> Empa ho tla joalo, ho tla utloisia, bao Ntho Eo e rometsoeng ho bona. "Ka letsatsi leo ba hlalefileng ba tla tseba Molimo oa bona, ba tla hapa likhapo tse khōlō." Re eleloa hoo, hora eo re phelang ho eona.

<sup>188</sup> Shebang Sodoma joale, shebang se hlahileng. O boletse, "Joaloka matsatsing a Sodoma." Sehlopha se seng se ne se lebeletse mora oa tšepiso. Re lumela hoo. E ne e le Abrahama le sehlopha sa hae. Hape ho be le sehlopha se fofo, Lota, e batla e le mongala, leha koana e le molumeli; tlase kahara Sodoma. Lihlopha tse tharō tsa batho.

<sup>189</sup> Ho fumanoa lihlopha tse tharō tseo kamehla. Kama, Sema, le batho ba Jafeta. Hape, balumeli, baiphei-tumelo,

le basalumele. Ba teng hohle, 'me re—re ba fumana kahara sehlopha se seng le se seng. 'Me, hohle, lea ba fumana. 'Me lihlopha tseo li sa le teng mona. Le tlameha ho e arola. Le ka haola le eona hara Lengolo, e nyallana hantle feela.

<sup>190</sup> Mamelang sena. Le shebe moo re lutseng teng, ka malulo le ka seporofeto, bosiung bona. Joale, mang le mang oa rōna rea tseba lefatše le maemong a Sodoma.

<sup>191</sup> Re tseba liporofeto tsohle tsa Iseraele, e lehaeng la eona. Ha le batla ho tseba malulo a rōna a bochaba, le behe Iseraele leihlo, moo e leng teng.

<sup>192</sup> Haeba le batla ho tseba malulo a kereke, le behe boitšoaro ba basali leihlo. Ke kereke. Le mo shebe, ka boitšoaro bo bobe, bo hanang hloeko; shebang, shebang moo kereke e leng teng. Le e shebe feela, ua bona, ua bona, le shebe basali feela. Le bona malulo, kamoo ba nyehlileng ba silafetseng, le kereke ea lona e a itšoanel, ua bona, ke papiso.

<sup>193</sup> Shebang moo Iseraele e leng teng, le shebe papiso ea nako eo re leng ho eona. Ua bona, le shebe lipontšo le meeka. Haeba uena—haeba uena, kapa haeba mahlo a hao a bulehile, bona moo re leng teng.

<sup>194</sup> Joale le shebe malulo a rōna, lefatše le malulong a Sodoma. Joale elelloang, "joaloka mohlang oo." Joale elelloang, eaba ho fihla motho e mong, letsatsing leo, a lebeletse mora ea tlang oa oa tšepiso. Abrahama le Sara, sehlopheng sa Abrahama ba ne ba lebeletse mora oa tšepiso. Ba ne ba se kahara Sodoma. Empa nakoaneng feela, khaolong ea ho qetela ea tema, pele mora oa tšepiso a fihla, ho ne ho fihle monna ba le bararō ba tsoa Leholimōng, Lengeloi... e le Mangeloi a mabeli le Molimo. Eaba ba theoha ba buisana le Abrahama, tlasa eike. Na ho joalo? [Phutheho e re, "Amen!"—Mong.] Eaba a mabeli a theohela Sodoma a hlabi mokhosi khahlano le libe tsa motse. 'Me e le pejana feela lefatše la Balichaba le chesoa, mehleng eo. Sodoma eohle e ile ea timetsoa hantle mohlang oo. Ha ntšoa ba 'maloa feela, Lota le barali ba babeli ba hae. Mohatsa'e ha a ka a phomella; o ile a khutla. Nka rata ho fumana nako ho le bontša taba eo hona joale, malulo a kereke eo. Ke batla hore le elelloe.

<sup>195</sup> Eaba Monna e mong o a sala, eena ea buileng le Abrahama, eaba O etsetsa Abrahama pontšo. 'Me, le ele hloko, Abrahama o ne a bone Molimo ka lipontšo tse ngata tse khōlō. Re lumela hoo, ha ke re? [Phutheho e re, "Amen."—Mong.] Pejana feela mora oa tšepiso a fihla. Empa le pele mora oa tšepiso a bonahatsoa, o ile a hlahisetsoa pontšo.

<sup>196</sup> Hobane, Mora, Mora oa makoma, e ne e tla ba Mora oa Molimo, ka tumelo ea Abrahama, ua bona, e ne e le Jesu. Rōna haeba re le peō ea Abrahama, ha re shoele ka ho Kreste, re peō ea Abrahama.

<sup>197</sup> Elelloang joale pejana seo se hlaha, mora enoa ea tla fihla. Joale, Enoa ea setseng a buisana le Abrahama, o ne a neile tente mokokotlo oa Hae 'me O itse, "Abrahama." Joale, letsatsi feela pele ho moo, e ne e le Abrame. Joale O itse, "Abrahama, mosali oa hao, Sara, o kae?" e seng Sarai, S-a-r-a-i. S-a-r-a, mofumahali. "Mosali oa hao Sara, o kae?"

Ha thoe, "O ka tenteng ka mora Hao."

<sup>198</sup> A re, "Ke tla u etela, ua bona, ho latela tsepiso ea Ka eo Ke u etselitseng eona." Ka mantsoe a mang, "Ka nako ea bophelo, Sara o tla qalisa nako ea hae ea bophelo ka tloaelo."

<sup>199</sup> 'Me Sara, oa leqheku, joale lilemo tsa hae li lekholo, o ka tenteng, a itshela. Ua bona, a tseha kahare ho eena, ho re, "Ebe Monna eo a ka nepa joang? Ua bona, 'na ke leng mosalimoholo, le Abrahama morena oa ka, le eena o tsofetse, phelisano ea lelapa e khaolitse khale koana lilemo tse ngata." Ho re, "Nka boela joang ka thaba le morena oa ka? Athe o tsofetse, ebole le 'na ke tsofetse, ke tlotse nako ea ho beleha, methapo ea lebese ha e sebetse, ntho e 'ngoe le e 'ngoe... 'O omeletse.' Re ka boela joang ra thaba hape na?"

<sup>200</sup> 'Me Monna eo, ea Neileng tente mokokotlo oa Hae, a re, "Sara o tsehile keng, a ntse a re, 'Lintha tsee li ka hlaha joang?'" E ne e le eng? Temoho ea moea, boporofeta! Ua bona? Ua bona? O bone ntho eo.

<sup>201</sup> Joale O ile a re, "E tla boela e khutla, 'me Mora motho," etsoe hoo, hantle mono e ne e le Mora motho. Be, o ile a Mo rea Elohim, "Morena Molimo." Elohim, mang le mang o a tseba hoba e nèpahetse, Elohim ke Morena Molimo. "Tsimolohong Elohim o ne a etse maholimō le lefatše," Ea tletseng bokhoni bohle. Mora motho ea entsoeng nama, mohlang oo keha A eme mono ka nama, eka theofani, a eme mono a lemoha seo Sara a se buileng ka tenteng ka mora Hae. O e tsepisitse. Shebang. Peō ea Borena ea Abrahama e tsepisitsoe ho bona hona hoo.

<sup>202</sup> Empa lemohang Lota, o fumane moromuoa tlase mono, le eena, ba babeli ba ile ba theoha mono. E mong oa bona o ile a theoha, eaba e mong o theoha le eena, 'me ba rera ba hlabela batho mokhosi ho tsoa ho baleha bohale bo neng bo tla fihla.

<sup>203</sup> Ho latela malulo, lefatše ha le eso lule boemong boo, ho tloha mohla Jesu a ne a etsa tsepiso, hofihlela hona joale. Ke batla ho botsa ranalane ofe haeba a lutse ka mohahong, kapa ea ka utloang teipi ena, le ea ka e utloang neng, ako 'ngolle hle. Ke balile nalane joale lilemo tse ka bang mashome a mararō, nalane ea Bibele, 'me ha ke eso bone motho nalaneng eohle ea kereke, hara mengoaha e supileng ea kereke. Hona joale re Laodisea, re tseba seo.

<sup>204</sup> Ha ho moromuo, ea kileng a etela kereke eohle, eo lebitso la hae le qetellang ka h-a-m, ho fihlela joale. G-r-a-h-a-m, Billy Graham. Ho hlahile bo Moody, Finney, Sankey, Knox,

Luther, le bao joalo, empa ha ho eso hlahe h-a-m, “ntata ho lichaba.” Joale le hopole, eo ke G-r-a-h-a-m, liletere tse tšeletseng. Empa A-b-r-a-h-a-m ke liletere tse supileng. Erelloang, ba tlase mono, Billy Graham, o etela likarolo tsohle tsa—tsa lefatše, ‘me o hlaba mokhosi ho tsoa Sodoma, “Tsoang, le balehele bohale bo tlang.” Ha ke tsebe monna, tšimong, ea tšoereng Molimo, ka lentsoe leo la tokafatso, joaloka Billy Graham. O khona ho e hlahisa. Hase moithuti oa thutabomolimo... Kea kholoa ke moithuti oa thutabomolimo, empa hase moreri ea matla. Empa Molimo o na le eena. Monna eo o khona ho ema mono ka thuto e kang ea sekolo sa Sontaha, a tšoare batho bao a ba makatse. Ke mohlanka oa Molimo oa hora. Ho mang? Kerekeng ea tlhaho, e lengkahara Sodoma.

<sup>205</sup> Empa le hopole, kereke e ’ngoe e ne e le ea moea, e sa kena moifong oo oa mokhatlo oa bolumeli, le hona. Sehlopha se bitsitsoeng, ‘me ba fumane molaetsa, hape, le moromuo. ‘Me e ne e le eng? Ho senola mehopolo e neng e le ka pelōng. Molimo o kholisang Lentsoe la Oona kamehla.

<sup>206</sup> Ha re rapeleng. Ntata ea Ratehang ea Maholimōng, ena ke hora e mahlonoko, liqeto li tšoanelo ho etsoa, nako e a otla e a feta, ha re tsebe hora eo Morena rōna a tla fihla ka eona. ‘Me ha re bona liporofeto tsena tseo A li entseng, ka baporofeta ba Hao ho theoha le mengoaha, joale lia phuthuloha. Oho Molimo, re U leboha haholo ka sena, haele moo monna ea koenneng ‘meleng, ea nang le bokhoni ba—ba thutabomolimo, a khona ho ema khahlano le bolotsana ba lefatše le bomosalumele, le holima likalana tsena, ‘me ba ema mono ka sebete ba se na le seriti sa pelaelo e le linatla, ba tseba moo ba emeng teng ‘me ba kholisa hobane Lentsoe ke ’nete, ka Mangolo. Hape le rōna ba emetseng ho Khutla ha Hao, Morena, rea lumela hoba lintho tse ling tsena tse porofetiloeng ho etsahala, rea ema re thabela ho U bona u tsamaea hara rōna ‘me u etsa eona ntho eo U itseng e tla etsahala, ho kholisa Lentsoe la Hao hore le nèpahetse. Molimo Mohlolehi, bana ba Hao ba kulang ba lutse mona.

<sup>207</sup> Ha ke tsebe nako e re saletseng ho sebetsa. Letsatsi la mantsiboea lea likela. Empa U tšepisitse, ho moporofeta, “Leseli le tla chaba nakong ea mantsiboea.” ‘Me re bona lona letsatsi le chabang bochabela, e le lona le likelang bophirima. Tsoelopele e tsamaile le letsatsi ‘me joale re Lebopong la Bophirima, ‘me Evangeli le eona e tsamaile le tsoelopele. Joale, Ntate, rea tseba hobane ena ke qetello ea Evangeli, nako ea qetello, qetello ea mongoaha. E nyamella Bosafeleng. Empa U tšepisitse hore Mora o tla hлаha, Mora motho o tla senoloa. Sena se tla etsahala, matsatsing a qetello. Maseli a mantsiboea a tlide, Ntate. Re U leboha ka seo. ‘Me ka boikokobetso, empa koana U e etsa ka ho nyatseha, hangata, e tlola holima ba baholo, ba bitsoang boramaboko, ‘me u e senolela masea a tlang ho ithuta.

<sup>208</sup> Kea rapela, Molimo, hore U e phethise, bosiung bona, bana ba Hao ba sotlehileng mona ba tle ba bone tsepiso ea Molimo, 'me e mong le e mong oa bona a foliose, 'me a tsoe mona, hosane, ka mebele e koenneng, a boele a hlapoheloe. Aba sena, Morena, ba tle ba nke Molaetsa ho tloha ho e mong ho ea ho e mong, hofihlela oa ho qetela mohlapeng, 'me menyako e tla koaloa. Re thuso, Molimo o ratehang. Kea U kopa, bosiung bona, pontseng ea lintho tsena, ha U ka khona hang hape, Ntate, bakeng sa ka.

<sup>209</sup> E—e ka re, bosiu bo bong, batho ha ba e elelloa hakaalo. Empa, kea rapela, e boele e etsahale bosiu bona, Morena. Hoba, ke tlotse nako ea ka e baliloeng ho bua, empa ha ke tsebe hore ebe re tla lokela ho etsa sena nako e kae. Ka baka leo, kea rapela, Ntate, na U tla nkutloa? Le ho utloa thapelo ea banna ba bana ba barapeli le basali ba lutseng mona bosiung bona, ba tletseng Moea oa Hao. Ke balumeli, Morena, U ka sebetsa hara bona feela. 'Me rea... Ke U rapela ho kholisa Lentsoe la Hao leo U le buileng, "Ea lumelang ho 'Na, mesebetsi eo Ke e etsang le eena o tla e etsa." Ho be joalo hape, Jesu, ho paka hore esale Uena maobane, kajeno, le kamehla. Ke e kopela tlotliso ea Molimo, ka Lebitso la Mora oa Hae, Jesu Kreste. Amen.

<sup>210</sup> Joale, nakoana feela, ke batla ho tseba palo ea batho ba tšoereng litlankana tsa thapelo ka mona. Ke—ke batla le phahamise matsoho a lona, mang le mang oa lona ba tšoereng setlankana sa thapelo. Be, ka tloaelo, kea kholoa, ke hohle feela.

<sup>211</sup> Kea ipotsa na batho ba sa tšoarang litlankana tsa thapelo ba bakae ka mona, empa lea kula, na le ka phahamisa matsoho a lona la re, "Ha ke na setlankana sa thapelo, empa kea kula. Kea hloka."

<sup>212</sup> Ke le kopa hlompho nakoana. Joale, ke rata ho qoqa le lona. Ke bona bothata ba ka ba kamehla, ke bua lolololo. Empa pele le etla, ke—ke tsepile hape ke kholoa Molimo o tla kholisa sena le seo ke se boletseng hore ke 'Nete, le ho Mo lumella ho—ho bona feela.

<sup>213</sup> Joale, ba bakae ba lutseng kantle mono ba kula, ba ntsebang ke sa tsebe le letho ka bona, phahamisang matsoho a lona. Shebang seo feela. Ho lokile.

<sup>214</sup> Ke batla lona ba sa tšoarang litlankana tsa thapelo joale. Litlankana tsa thapelo li tla bitsoa. Ke batla hore le rapele.

<sup>215</sup> Bibele e boletse ea re, "Jesu Kreste ke eena maobane, kajeno, le kamehla." O re, "Ke Moprista e Moholo ea lutseng mono a buella maipolelo a rōna." Re tlameha ho e bolela, le pele A ka ba Moprista e Moholo, hobane O emela maipolelo a rōna feela. Na ho joalo, lona baena ba bareri? [Bareri ba re, "Amen."—Mong.] Ua bona, O emela maipolelo a rōna feela, seo re Mo pakang a le sona, seo A re etselitseng sona. E seng seo A *tlang* ho se etsa. O se a se entse. Re tlameha ho paka hobane O se entse. "Athe O hlabetsoe makhopo a rōna, re folisitsoe ke maqeba a Hae."

<sup>216</sup> Joale, Ntate oa Leholumō o a tseba. 'Me ha ke le sheba, ke tseba motsoalle oa ka e moholo a tsoa Ohio, eena le mohatsa'e ba lutse mona, ke Mongh. Dauch le mohatsa'e. 'Me kea kholoa, ea lutseng bobeling kapa borarōng ho tloha ho bona, hape ke Moruti, Mongh. Blair eo ke 'moneng maobane bosiu. Ho lefifi holima letšoelle, ho 'na, mabone ana mona a batla a rothofatsa lintho ho 'na, 'me ha ke—ke le bone hantle.

<sup>217</sup> Empa ke batla hore le rapele. 'Me u hopole seo u se hlokang pelōng, 'me u kope Moprista oa rōna e Moholo, Ea ka angoang ke maikutlo a mahlomola a rōna.

<sup>218</sup> Joale, ha ke le tsebe, 'me le ka nkama hohle, e itšoanelā le ho ama moena oa hao, monna oa hao, molisa oa hao, motho e mong, e ke ke—e ke ke ea thusa letho. Empa ha u ka ama Eena, haeba re khema le Moea oa Hae ka 'nete, A ka sebelisa tumelo ea hao ho Mo ama, hape le neo ea ka ho boela e bua.

<sup>219</sup> Ua bona, 'na ke semumu hakaalo ka sena, ka ntho ena *mona*, haeba lentsoe le sa bue ka eona. Eka khona ho be le... Sena, ntho ena ke semumu ha ntho e sa bue ka sona. 'Me motho ofe, o semumu, ha ho fihloa linthong tsena, haese ha Molimo a bua ka bona.

<sup>220</sup> Joale u rapele, 'me ha re boneng haeba lintho tsena tseo ke li buileng e le 'nete. Molimo a e thusē ho ba joalo. Ha ke re O tla e etsa. Kea kholoa hore O tla etsa joalo. Ke tšepile A tla e etsa. Ha A eso ntšoabise, lilemong, le bophareng ba lefatše, lichabeng tsa mefuta eohle, le limilione tsa batho. Ha A eso ntšoabise. Ke tiile, joalokaha ke lumela hobane ke eme mona, A ke ke a ntšoabisa joale.

<sup>221</sup> Ke tlil'o le kopa hlompho le lule fatše, nakoana feela. Re tlil'o qhalanya letšoelle le leholo 'me re rapelle bakuli, nakoaneng feela.

<sup>222</sup> Empa ke batla lona, lona balumeli, le se ke la sheba 'na, le mpe le lumele. E reng, "Kea lumela seo monna eo a se buang ke Lengolo. Ha ke tsebe haeba nako e tsamaile kamoo a bolelang mona. Empa, haeba e le eona, e tlameha ho etsahala. Haeba Mantsoe a hae e le Mantsoe a Molimo, ka hona, mantsoe a hae a tla hloleha empa Mantsoe a Molimo a ke ke."

<sup>223</sup> Molimo o tlamehile ho tšehetsa Lentsoe la Hae. O tla Le paka. O tla Le paka. "Ea lumelang ho 'Na." O kholisitse hore lena ke letsatsi la ho qetela. O kholisitse se tlang ho etsahala. O kholisitse hore sena se ne se tlameha ho etsahala.

<sup>224</sup> 'Me, le hopole, Abrahama le sehlopha sa hae ha ba ka ba fuoa pontšo e 'ngoe e tsoang ho Molimo, pele mora oa tšepiso a fihla. Ba e tsebang e le 'nete ba bakae? [Phuthetho e re, "Amen."—Mong.] Pontšo eo ea temoho ea moea! 'Me Peō ea borena ea Abrahama, e reng ke le utloe... E reng ke le boelle, HO RIALO MORENA, le ntse le amohela pontšo ea lona ea ho

qetela. Ke ho latela Mangolo le tšenolo ea Molimo e lutseng pelōng ea ka, e bolelang taba eo e le 'Nete. 'Me ke tšepa hobane le tla e lumela e le 'Nete.

<sup>225</sup> Joale le lumele. Mang le mang a lumele, a re, "Morena Jesu, e re ke ama Uena. Ke na le tlhoko pelōng ea ka, 'me kea tseba Moena Branham ha a tsebe letho ka 'na. Ebile ha ke tsebe monna eo, ha a ntsebe, empa Uena u a tseba. 'Me haeba a mpoleletse 'Nete, e tla etsahala." Kea le kopa, le se ke la phethesela, nakoana feela. Ruri le be . . .

<sup>226</sup> Ua bona, u moea. 'Me ke beha moea o mong le mong ka mona tlasa bolaoli ba ka, ka Lebitso la Jesu Kreste, hore Lentsoe la Hae le tle le phethahale.

<sup>227</sup> Joale le be le hlompho. Rapelang. Le shebe ho Eena, le re, "Morena, kea e lumela. Ke U kopa ho thusa ho se lumele ha ka."

<sup>228</sup> Ha re qaleng. Ke tlameha ho tsepamisa maikutlo karolong e itseng ea mohaho mona, hobane, ua bona, le bangata haholo, 'me e mong le e mong oa lona ke moea.

<sup>229</sup> Nke ke ka khona. U re, "Le reng ka 'na?" Nke ke ka u bolella. E tla ka boikemelo. Mesebetsi eohle ea Molimo ke boikemelo. Batho ba bangata ba tšelang kalana ena ba tla fola, bosiung bona, mohlomong ba bangata ba ke ke ba khona. Ntho eohle e tsamaisoa ke boikemelo ba Molimo. Ke mang ea ka Mo bolellang ho etsang? Ha ho le a mong. O sebetsa ka boithatelo ba Hae ka Sebele, ka leano la Hae ka Sebele.

<sup>230</sup> Le mpe le lumele. Le ikokobetse. Le se tšohe. Le nanabele Molimo, le re, "Morena Molimo, kea e lumela." Ua bona? "Ha nke ke ame seaparo sa Hao. Ke hloka *hore-le-hore*. Kea tseba moena ha a tsebe 'na kapa tlhoko ea ka, empa o re boleletse ka lintho tsena tseo U li entseng, 'me o re U sa le teng mona ka ho tšoana kajeno."

<sup>231</sup> Le lona baena ba holima kalana ena le kenyelitsoe, mang feela oa lona. Ke le kopa feela, baena ba ka, joaloka basebetsi 'moho ba—'moho ba Evangeli ea Kreste. Ke bua le lona ka botšepehi boo ke bo tsebang, joaloka e—e monna ea shoang le lona, ua bona, ea sieang lefatše lena. Re tlameha ho tsamaea. 'Me seo ke se buang, ke tlameha ho se arabela ka Letsatsi la Kahlolo. Ke lemoha hoo, ke hilile kea lemoha. 'Me kea le ananela lona banna, seo le leng sona, lona ba emeng le 'na mona, lea nthusa. Ke ntse ke leka ho le thusa, ho etsa sohle seo nka se khonang, bakeng sa 'Muso oa Molimo.

Ke ntse ke rapela ke bile kea kopa.

<sup>232</sup> Mona, ba kileng ba bona Leseli leo le kahara setšoantšo ba bakae? Na le bone setšoantšo sa Lona? [Phutheho e re, "Amen."—Mong.] Ke leo Le leketlile hantle *mono*. Ha le khone ho Le bona na?

<sup>233</sup> Le holima mofumahali ea lutseng mane a tšoere sakatuku. O ntse a rapella moratuo. Ke hantle, mofumahali. [Mofumahali eo o re, “Ke hantle, Moena Branham.”—Mong.] Moratuo eo... U a lumela ke moporofeta oa Hae, kapa ntšoarele, mohlanka oa Hae? [“Ke hlile bo.”] U lumela seo? Ho lokile. Joale, ha Molimo o ka ntšenolela se phoso, khele, u tla e amohela e tsoa ho Molimo, joaloka mosali ea amileng seaparo sa Hae? Joale, u a tseba u—u bohole ba maoto a mashome a mabeli kapa a mashome a mararō ho tsoa ho ’na, kapa ho feta, ha u a ama ’na. Empa u amile ho Hong, u a tseba hore u holehane le ho Hong, e Mong. Seo e leng sona, ke molemong oa mosali, e leng morali oa hao. Ke hantle. U lumela u tla phekoloa na? Ke lekhoba la lithethefatsi. [“Ke hantle.”] Ke hantle haholo. [“Ke hantle, moena.”] Ke ’mona a sesa, a tahiloe. Ua bona? Joale, sakatuku eo u e tšoereng letsohong la hao, u se behe holima hae, ’me u se ke ua belaela. Kea lumela hobane Molimo o tla mo lokolla. Na u tla lumela le ’na? Amen. [“Oh! Kea U leboha, Jesu!”]

<sup>234</sup> Joale, ha ke tsebe mosali eo, empa Molimo o a mo tseba. Na u lumela joale ka pelō eohle ea hao?

<sup>235</sup> Monna ea lutseng mono a apere hempe e metsero, o jeoa ke hernia, u a lumela Molimo o tla u folisa ’me a u phekole? U a lumela U tla e etsa? Ha ke eso bone monna eo bophelong ba ka. U tšoere setlankana sa thapelo, monghali? [Monna eo o re, “Che, ha ke na sona.”—Mong.] Ha u na sona? Ha u se hloke.

“Ha u ka lumela!”

<sup>236</sup> Mosali ke enoa o leka ho sheba holima mosali enoa ea lutseng mona. Ke moeti ho ’na. Empa o hlile o methapo. Ha ke mo tsebe. Ha ke eso ’mone, bophelong ba ka. Empa Molimo o a mo tseba, ’me joale o elelloa hore o hokahane le ho Hong. Esale o rapella morero o itseng. Lebaka ke hobane, ha u khone ho salla bosiu bona. U tsoanelo ho tsamaea o siea kopano. U ntse u itokisetsa ho khutlela hae, hosane. Ha u tsoe mona, kapa eibile ha u tsoe California. U ea bochabela ho tloha mona. U tsamaea ka moea. U ntse u itokisetsa, ho tsamaea ka moea. U tsoa Oklahoma. Yaa. Ke hantle.

<sup>237</sup> Le uena u ntšing tsa ho shoa. U tlie koano ho rapeloa. Ha u na setlankana sa thapelo. Empa u lumetse hore u tla folisoa, hola feela u ka fihla mona. Ke hantle. Hape, maemo a hao ke kankere. Kankere ea hao e kahara lesapo. U a lumela u tla fola joale? U a lumela hore u hokahane le Eena, khaitseli ea ka? Mohlomong Molimo a ka mpolella hore u mang, na hoo ho ka u thusa? Haeba ho le joalo, phahamisa letsogo la hao haeba u e lumela, hoo (Molimo) ho tla u thusa. Ke hantle, Mof. Steel, u ka khutlela Oklahoma.

Ha ke tsebe mofumahali eo. Ha ke eso ’mone.

<sup>238</sup> Mofumahali ke enoa o lutse hantle ka morao ho eena. O jeoa ke sehlopha sa methapo ea vericose. Hape mora oa hae ke lekhoba

la tahi, 'me o ntse a mo rapella. Haeba a ka lumela, a ka folisoa. Mof. Mason, na u tla lumela ka pelō eohle ea hao, le ho lumela hoba Jesu Kreste o tla u abela pholiso ea hao? U etsa joalo?

<sup>239</sup> Ho lokile, beha mofumahali ea haufi le uena mono letsoho, o ntse a rapella monna oa hae ea sa bolokehang. Molimo o tla aba pholiso.

Ha re rape leng.

<sup>240</sup> Molimo o Ratehang, ke U rapela ho mo abela lehlohonolo leo. Abela mosali eo takatso ea pelō ea hae, Morena. Tumelo ea hae e haufi le Uena, e U amme. 'Me kea rapela, Ntate, hore U thuse, ka Lebitso la Jesu. Amen.

<sup>241</sup> Joale u lumele ka pelō eohle ea hao, hore u a e amohela. Na u tla etsa joalo? Ho lokile. Molimo a u hlohonolofatse.

<sup>242</sup> U a lumela monna oa hao o tla bolokeha, mofumahali? Na u lumela ka pelō eohle ea hao? Phahamisa letsoho la hao, haeba u etsa joalo.

<sup>243</sup> Ka pela ka, ekare, ho eme mosali ea litho haholo. Ke eno o lutse mono. U a lumela hoba ke mohlanka oa Molimo? U a lumela hoba ke mohlanka oa Molimo? U etsa joalo. Ho lokile. Ha ke u tsebe. Bothata ba hao, ke lipululana. U boima haholo. U bonane le ngaka, o itse a ke ke a etsa letho ka eona, empa e ne e le ngaka ea lefatše eo. Ua bona? Ea hao... U tsoa mahlomoleng a mangata. U lahlehetsoe ke monna oa hao. Ha u tsoe mona. Ka tšoanelo u tsoa Arkansas. U ntse u batla mosebetsi, hape, 'me ha u khone ho fumana mosebetsi. U ne u tšohile hoo, ntho e itseng, hore u ka tšoha u sa bitsoe. Empa joale tumelo ea hao e amme Molimo. Khaitseli ea ka, u ka ikela, lumela. Molimo o u fa mosebetsi, ho u abela takatso ea pelō ea hao.

<sup>244</sup> Molimo o kholisa Lentsoe la Hae e le 'nete. Lea lumela ho joalo na? [Phutheho e re, "Amen."—Mong.] Joale ke batla hore le rapele le 'na hape.

<sup>245</sup> Ntate, Molimo, U sa le eena Molimo ea kholisitseng. Mohla U ne u re, "Ngoanana ha a shoa, o robetse," eaba U tlameha ho e kholisa. Joale, U tšepisitse, pejana feela ho nako ea qetelo, ho itseng Mora motho o tla Itšenola kamoo A entseng Sodoma. U e tšepisitse, Morena. Joale U tlide lefatšeng, ka sebopeho sa Moea o Halalelang, le ho kena hara rōna, bosiung bona, rōna batho ba lumelang, 'me e pakiloe. U kholisitse Lentsoe la Hao kamoo U entseng ka letsatsi leo. Morena, ha re sa hloka kholiso e 'ngoe. U hara rōna. Rea U rata. 'Me rea elelloa ena ke pontšo ea ho qetela pele U Khutla, ho latela Mangolo. 'Me liriti tsohle le lipapiso ha li ke li hlolleha. Li tlameha ho tiea.

<sup>246</sup> Ka hona rea rapela, Ntate, e re bana ba Hao ba sa tla ho rapelloa, e mong le e mong a fole. Ho se sale motho ea kulang hara rōna, qetellong ea tšebeletso ena ea pholiso. Oho Molimo

o ratehang, na U tla lumella tlolo ea Hao ho theohela holima batho ba Hao ka mohau hona joale, e mong le e mong oa bona a tle a folisoe?

<sup>247</sup> 'Me ba bang ha ba le teng mona, e se bana ba Hao le joale, ka baka la lintho tsena, tseo... Ba utloile Lentsoe 'me ba bone ntho e etsoang, e pakiloe hantle ho fihla botsekeng, hore U Mang le seo U leng sona, hore U teng mona.

<sup>248</sup> 'Me, Morena, na U—na U ka hlohonolofatsa leshano? Khele, ruri lekhale, Morena. Empa U tsepisitse ho hlohonolofatsa Lentsoe la Hao, 'me ha Le ka ke la khutla lefeela. Le tla phetha seo Le se baletsoeng. 'Me joale U e entse ka pela rōna, bosiung bona, ebile ha ho seriti sa pelaelo.

<sup>249</sup> 'Me ka lihlooho tsa rōna tse inamisitsoeng, na ba teng batho mona ba eso lumele pele, ea ka ratang ho phahamisa letsoho la hae? U ntse u inamisitse hlooho ea hao, phahamisa letsoho la hao feela. 'Me u eme ka maoto a hao, le ho re, "Joale kea lumela, ka pelō eohle ea ka. 'Me ke batla ho amohela Jesu Kreste, hona joale." Na u ka etsa joalo, batho bafe, batho ba leng teng mona, ba eso amohele Kreste, 'me u batla ho e etsa nakong ena? Nke ke ka le joetsa... U ka kena kereke ea khetho ea hao. Empa ke u kopa ho amohela Jesu Kreste u sa ntse u... Mohlomong ha u sa tla Mo atamela ho feta hofihlela u Mo bona ka namana mohla A tlang ka 'mele oa Hae o bonahalang a etsoa Maholimōng. Na joale u ka Mo amohela haeba u eso etse?

<sup>250</sup> Ka ho bona ho se motho ea emang, kea khlooa lona bohole falimehile, le batho ba seli, le bile le elelloa seo le se etsang. Haeba u lutse tlasa sena, le hopole, "Ha le le lihlong ka 'Na pela batho, le 'Na ke tla le hlabeloa ke lihlong pela Ntate oa Ka." Motho emong o ne a eme, mohlomong, e, hara letšoelie, ka morao.

<sup>251</sup> Molimo o Ratehang, bao ba emeng, ba ka khona, mohlomong ha ke ba bone, ba batla ho U amohela. Ba elelloa, Morena, hore taba ena ha eso etsoe ho fihlela nakong ena, 'me joale U e thasisetsa le ho e kholisa e le joalo. Kea rapela, Ntate, hore ka lipelōng tsa bona, tse sisimositsoeng ka mohlolo nakong ena... Re tseba joang hoba enoa ea kenang hona joale ha se motho oa ho qetela? Ena ekaba pheletso ea Los Angeles. Ona ekaba moea oa ho qetela o tsoalloang 'Musong. Ha re tsebe mohla nako eo e fihlang. 'Me mohla e fihlang, monyako o tla koaloa, 'Mele o tla be o phethiloe. E ke ke ea e-ba 'Mele o ferekaneng kapa Monyalua ea ferekaneng. O tla ba le litho tse baliloeng tseo mabitso a tsona a beiloeng Bukeng ea Bophelo ea Konyana pele ho motheo oa lefatše, oo Jesu a tlelang ho o nka, joaloka Adama, ea tsoileng ho pholosa mosali oa hae. Kea rapela, Molimo, hore joale U tla ba amohela 'Musong oa Hao. Ba matsohong a Hao. Sebetsa ka bona, Morena, ke rapela ka Lebitso la Jesu. Amen.

<sup>252</sup> Molimo a hlohonolofatse mang le mang oa lona ba emeng. Ha kea tseba hoba ho eme ba bang ba lona. Ba bang ba eme ka morao, ba bang seotloaneng. Joale ke batla le nketsitse ntho e le 'ngoe. Le nkutloisise hleng. Kopanang le moreri e mong mona le qoqe le eena, ha kereke e tsoile. Le tla etsa joalo? Le se ke la hloleha. Haeba u eso kolobetsoe ka kolobetso ea Sekreste, etsa hoo khetlo le latelang, u ntso lula u phahamisitse matsoho a hao hofihlela u amohela Moea o Halalelang.

<sup>253</sup> Joale, 'me batho ba bangata mona ba tšoere litlankana tsa thapelo. Re tla ba kopa ho ema, ba nyolohele koano mona, kea kholoa ba tsamaee tjena. Kapa ebe ke tlameha ho tla... [Monna o re, "Che."—Mong.] Nke ke ka khona. ["Tloong le ka lephakong lena."] Le hlahe ka lephakong *lena* mona, le ka tla le ka mona, ka lephakong lena, lona batho ba tšoereng litlankana tsa thapelo.

<sup>254</sup> Lona ba tlamehang ho tsamaea, ke... Ke siiloe ke nako. Ke masoabi. Ke tla leka hantle hosane bosiu. Mane... ke metsotsotso e leshome ka morao ho leshome, ho latela tšupanako ea lebota. Ke le leboha haholo ka ho phutheha ha lona bosiung bona, 'me Molimo oa Leholimō a le hlohonolofatse. Ha le rata ho sala le shebella mola oa thapelo, le amohetsoe kamehla. Empa joale re tla qala re rapella bakuli joale, 'me ha ke batle ho le tšoarella haese ha le batla ho sala. Le ka ikela ka Lebitso la Morena Jesu. Khotso ea Molimo e be le lona e le hlohonolofatsoe, mebele ea lona e phomole, bosiung bona, le phele hantle le tle le khutle hosane bosiu. Molimo a be le lona joale.

<sup>255</sup> Ba tšoereng litlankana tsa thapelo ba eme ho rapelloa joale, re sa rapella batho ka hohle. Joale re batla ho le tsebisa, joale, uena ea emeng a tšoere setlankana sa thapelo, na pelaelo e teng bophelong ba hao? Na e teng, ntšoareleng, sebe sefe se sa boleloang bophelong ba hao? Haeba se le teng, e re ke u kope sena. U se ke ua kena moleng oa thapelo ka sebe se sa boleloang pelōng ea hao. Hobane, u tšoanel... Bona ke bohobe ba bana, ua bona. 'Me ha u se Mokreste, nehela Kreste bophelo ba hao, moleng oa thapelo, u ntano tla. E etselitsoe molumeli. U tla etsa joalo? Ak'u Mo amohele pele joaloka Moloki oa hao, u ntano tla kalaneng, ho rapelloa.

<sup>256</sup> Joale ke tlil'o le rapella ka bonngoe; ke sa ba fete feela, ka temalo. Re kahara kereke joale. Kea kholoa Khaitsei Wyatt o re file lebaka hore re ka sala ra rapela. [Mona e mong o re, "E, bosiu bohle, kamoo u batlang."—Mong.] Re ka lula kamoo re batlang. Ke leboha Khaitsei Wyatt le moifo ona mona, ho re lumella joalo. Molimo a mo hlohonolofatse. Monna oa hae ea khabane o kile a ema kalaneng ena, a rapella bakuli, hofihlela a eshoa, kamoo ke tsebang, lesole la makhonthe la sefapano. Joale ke leka ho etsa ntho eona eo, ho hlohonolofatsa batho bana.

<sup>257</sup> Joale kea rapela hore mang le mang oa lona ea fetang mona... Ha lea tlameha ho ipolela letho leo le le batlang. Ha u a tlameha ho ipolela bothata bofe ba hao. Tloo feela ke u rapelle, 'me u lumele.

<sup>258</sup> Na le lumela Molimo a nthomile ho etsa sena? Phahamisa letsoho la hao. Le sa hopola seo Lengeloi la Morena le se buileng? "Ha u ka etsa hore batho ba u lumele, ua tsepahala ha u rapela, ha letho le tla ema ka pela thapelo." Lea tseba ke 'nete. E se e kholisitsoe, hape le hape.

<sup>259</sup> Joale ke tlil'o kopa Khaitseli Rose, haeba a rata, ho letsaa, *Lumela Feelaa*, kapa, *Ngaka E Khōlō E Haufi Joale*, kapa ntho e itseng.

<sup>260</sup> Joale ke batla mang le mang ka—ka setsoalle le 'na. Le tla etsa joalo, le lona, lona ba sa kenang moleng oa thapelo, na le tla rapella batho bana? Be, ba tsepiseng hoo, ka ho phahamisa letsoho la hao, "Ke tla be ke rapela, ua bona. Bohle re tla be re rapela." Ho lokile. Yaa.

<sup>261</sup> Nka rata hore, haeba le tlameha ho tsamaea, le tsoe le ngotlike mohoasa ruri joale, ba se ke ba tšoenya ha re rapela.

<sup>262</sup> U a lumela e tla feta joale, khaitseli? [Khaitseli o re, "Ka pelō ea ka eohle."—Mong.]

<sup>263</sup> Molimo o Ratehang, ke bea khaitseli matsoho, ke phephetsa pabo ea 'mele oa hae. Ka Lebitso la Jesu Kreste, e mo tlohele. Amen.

U hlohonolofatsoe, khaitseli.

<sup>264</sup> U lumela ka pelō eohle ea hao? Libe tsa hao tsohle li boletsoe? Uena, ho ea ka uena, u itokiselitse ho amohela pholiso ea hao?

<sup>265</sup> Molimo o Ratehang, ke beha khaitseli ea ka matsoho, ka Lebitso la Mora oa Hao, Jesu Kreste, ke kopa pabo ea 'mele oa hae ho tloha, ka Lebitso la Jesu. Amen.

<sup>266</sup> Libe tsohle li boletsoe, ebile u itokiselitse pholiso ea hao? U a lumela, moena? [Moena o re, "Ke lumela ka pelō ea ka eohle."—Mong.]

<sup>267</sup> Molimo o Ratehang, ke beha moena oa ka matsoho, etsoe re U tseba u le teng mona, Morena. Ke U rapela ho mo folisa, ka Lebitso la Jesu Kreste. Amen.

<sup>268</sup> Libe tsohle li boletsoe na? Che, ha u utloe. [Moena Branham o bua butle a hlakile ka baka la botholo ba khaitseli—Mong.] U a lumela hore u tla utloa? [Khaitseli eo o re, "Kea lumela. Empa ke ne ke le setholo."] U lumele.

Mosali enoa ke setholo joale. Re tlil'o rapela mona.

<sup>269</sup> Molimo o Ratehang, ke U rapela ho folisa khaitseli ea rōna, le ho tlosa botholo bona ho eena. U lutse a koaletsoe lefatše, ha a khone ho utloa. Ke U rapela ho aba pholiso ea hae, ka Lebitso la Jesu.

<sup>270</sup> Ke tla kopa batho ho lula le inamisitse hlooho ea lona, motsotsso. Ke batla ho bona se mo hlahetseng. Joale, ka kopo hleng, ka Lebitso la Jesu Kreste, ho se be le ea phahamisang hlooho ea hae kapa mahlo. Joale, ha lea tšoanelia ho etsa joalo hofihlela ke le borella.

<sup>271</sup> U khona ho nkutloa joale? [O re, “Ka ho ferekana.” Moena Branham o opa liatla tsa hae hang. “Kea u utloa.”—Mong.] U a nkutloa? [“Lethonya.”] U khona ho utloa? U a utloa joale. [Moena Branham o boela a opa liatla.] Ua bona? U utloa molumo oo?

<sup>272</sup> Joale u lumele ka pelō eohle ea hao. U tla etsa joalo? ‘Me u lumele, ’me Molimo o tla u folisa ka botlalo. O itsalo. Ke sa tsoa rapela ’me ka beha matsoho a ka holima litsebe tsa hae, ’me o itse o utloile lethonyana. Ho lokile, u ka ikela joale, u lumele hore u tla utloa ka ho phethahala, ’me u tla utloa.

<sup>273</sup> Libe tsohle li boletsoe, khaitseli? [Khaitseli o re, “E.”—Mong.] U itokiselitse pholiso ea hao? [“E.”]

<sup>274</sup> Molimo o Ratehang, ke beha khaitseli ea ka matsoho, ka ho rōna re tseba ho se letho le molemo, ka ho rōna. Empa re itseba re le Bakreste, ba tsoetsoeng ke Moea oa Molimo. ‘Me re beha khaitseli ea rōna matsoho re kopela pholiso ea hae, ka Lebitso la Jesu Kreste. Amen.

<sup>275</sup> Joale na u lumela hoba u tla folisoa? [Khaitseli o re, “Ka bottle!”—Mong.] Ho lokile, joale u—u folile. [“E!”] E etsoa joalo. Ke hantle. Hantle.

<sup>276</sup> Libe tsohle li boletsoe? [Khaitseli o re, “E, monghali.”—Mong.] Ebile u itokiselitse pholiso ea hao? [“E.”] U a lumela na, hore ka peho ea matsoho, Molimo O tsebang lipelō tsa batho, o tla u phelisa? [“Ke etsa joalo.”]

<sup>277</sup> Ntata rōna ea Maholimōng, ke U rapela ho folisa khaitseli ea rōna, re sa mo beha matsoho re U kopa ho mo phekola ka Lebitso la Jesu Kreste. Amen.

<sup>278</sup> U phela joang? Ehlide, u a tseba hore ke tseba bothata ba hao. [Khaitseli o re, “Yaa.”—Mong.] Ke mpa ke sa e bue; hobane, u joalo, e tla—e tla lula e tsoella joalo le joalo. [“Ho lokile.”] Empa ha u ka khona... Na libe tsohle li boletsoe? [“E, monghali.”] U bile u lumela hoba Molimo o tla u phekola? [“E, monghali.”] U a lumela hobane athritisi... Ke se ke e buile.

<sup>279</sup> Molimo o Ratehang, ke U rapela ho mo thusa le ho mo folisa. Aba sena, ka Lebitso la Jesu.

U ke ke ua qhoala. Tsamaea, u lumela ka pelō ea hao eohle.

<sup>280</sup> U a lumela Molimo o tla u folisa? [Khaitseli eo o re, “Amen.”—Mong.] Libe tsohle li boletsoe ebile u itokiselitse pholiso ea hao? U a lumela hoba mokokotlo oa hao o tla itokela?

<sup>281</sup> Ntata ea Ratehang ea Maholimōng, ke U rapela ho mo folisa le ho mo phekola. Ka Lebitso la Jesu Kreste, ho be joalo. Amen.

Molimo a u hlohonolofatse, khaitseli. Tsamaea, u ntse u lumela joale.

<sup>282</sup> Na libe tsohle li boletsoe, khaitseli, o itokiselitse pholiso ea hao?

<sup>283</sup> Molimo o Ratehang, libe tsa hae, o rialo, li boletsoe. Ke beha mosali enoa matsoho, ka Lebitso la Jesu Kreste, ke kopa pholiso ea hae. Amen.

<sup>284</sup> Libe tsohle li boletsoe? U tšoanelo ho loka, u kula haholo, u tseba seo. U tseba hoba ke tseba bothata ba hao. U lumela hoba Molimo o tla u phekola, a folise pelō ea hao le ho u phekola ka botlalo?

<sup>285</sup> Molimo o Ratehang, ke rapela ka Lebitso la Jesu Kreste, hore U mo folise u mo phelise. E mo lese, Ntate, ka Lebitso la Jesu. Amen.

Molimo a u hlohonolofatse joale. Se belaеe. Tsamaea, u lumela.

<sup>286</sup> Libe tsohle li boletsoe? U itokiselitse pholiso?

<sup>287</sup> Ntate ea Ratehang ea Maholimōng, ke beha khaitseli ea rōna matsoho. Ka Lebitso la Jesu Kreste, a ke a fole. Amen.

U se ke ua belaеa. Tsamaea, u lumela.

<sup>288</sup> Libe tsohle li boletsoe, u itokiselitse pholiso?

<sup>289</sup> Ntate ea Ratehang ea Maholimōng, ke U rapela ho folisa moena oa rōna, ho mo phekola. Aba sena, Ntate. Ke mo beha matsoho, ka morero ona, ka Lebitso la Jesu Kreste. Amen.

Molimo a u hlohonolofatse. Ke e lumela ka pelō ea ka eohle.

<sup>290</sup> U a lumela joale, khaitseli? Libe tsohle li boletsoe ebile u itokiselitse pholiso?

<sup>291</sup> Molimo o Ratehang, ke beha khaitseli matsoho, ka Lebitso la Jesu Kreste, a phekoloе tlotlisong ea Hao. Amen.

<sup>292</sup> Joale ke khafetsa joalo, ke kamo feela, kamoo Jesu a buileng, “Mehlolo e tla tsamaea le ba lumelang ke eona ena. Ha ba beha matsoho holima bakuli.” Ke qala ke elelloa, ka hara likopano, e sebetsa liphesente tse mashome a mahlano ho feta ha u bitsa batho moleng, ka temoho ea moea, hoba u finyella ba ‘maloa feela. ‘Me, ka mokhoa ona, ho folisoa ba bangata.

<sup>293</sup> U ipoletse libe tsa hao tsohle tsa ho se lumele le ntho e ‘ngoe le e ‘ngoe? Joale u a lumela hobane u tla folisoa? [Khaitseli o re, “E, le ho lokolloa.”—Mong.]

<sup>294</sup> Molimo o Ratehang, ke U rapela ho folisa khaitseli ea rōna ke sa tšoara matsoho a hae le ho kopa pholiso ea hae ka Lebitso la Jesu Kreste. Amen.

Molimo a u hlohonolofatse, khaitseli.

<sup>295</sup> U a lumela joale? [“Khaitseli o re, “E.”—Mong.] Libe tsohle li boletsoe? [“E.”]

<sup>296</sup> Molimo o Ratehang, ke beha khaitseli ea rōna matsoho, ka Lebitso la Jesu Kreste, bakeng sa pholiso ea hae. Amen.

Molimo a u hlohonolofatse, khaitseli.

Ekare nthoana e nyenyane, empa ke Molimo Ea e tšepisitseng.

<sup>297</sup> Libe li boletsoe na?

<sup>298</sup> Molimo o Ratehang, ke U rapela ho folisa khaitseli ea rōna. Ke sa mo beha matsoho ka Lebitso la Jesu Kreste, a tlohe a fole. Amen.

<sup>299</sup> Libe li boletsoe?

<sup>300</sup> Molimo o Ratehang, ke U rapela ho folisa khaitseli ea rōna, ke sa mo beha matsoho, ka Lebitso la Jesu Kreste. Amen.

<sup>301</sup> Joale ha u tla ka lihlomo, li ke li hotetse sefutho, e tla sebetsa.

<sup>302</sup> Libe li boletsoe na? [Khaitseli eo o a arabela—Mong.] O itokisitse.

<sup>303</sup> Molimo o Ratehang, ke U rapela ho mo folisa le ho mo phekola, ka Lebitso la Jesu Kreste. Amen.

Molimo a u hlohonolofatse, khaitseli.

<sup>304</sup> Libe tsohle li boletsoe? [Khaitseli eo o re, “Ntho e ’ngoe le ’ngoe.”—Mong.]

<sup>305</sup> Molimo o Ratehang, e re mosali enoa a sa ncheba mahlong, ke lumela seo. Ke U rapela ho mo folisa, ka Lebitso la Jesu.

<sup>306</sup> U mpa u mo tlisa, ha ke re, khaitseli? U mpa u mo tlisa? Ho lokile. [Khaitseli o re, “Ebile, o foufetse.”—Mong.] U a lumela, khaitseli, hore Molimo o tla u folisa? [Khaitseli ea foufetseng o re, “Kea lumela Molimo o ka khutlisa pono ea ka.”] Molimo a u hlohonolofatse.

<sup>307</sup> Ntate ea Maholimōng, kamehla U mohau ho ba foufetseng, le ho ba hlokang. Joale ba bone seo U se entseng bositung bona. Ka hona rea lumela, Morena, pontšo ena e khōlō ea ho qetela e tsamaea hara rōna joale. Ke kopela pono ea mosali enoa oa sefofu ho busuletsoa pono ea hae, ka Lebitso la Jesu Kreste. Amen.

<sup>308</sup> [O ne a foufetse, o re, “Kea U leboha, Jesu.”—Mong.] Joale, ak’u re tlalehele joale. E tlalehe. [“Ke tla etsa joalo!”]

<sup>309</sup> [Ea tlisiseng khaitseli ea foufetseng, o kopa thapelo—Mong.] Oh, e, u a lumela Molimo o tla u folisa? [“Alleluia!”]

<sup>310</sup> Ntate ea Ratehang ea Maholimōng ke beha khaitseli ea rōna matsoho 'me ke U kopa ho mo folisa, ka Lebitso la Jesu Kreste. Amen.

<sup>311</sup> Molimo a u hlohonolofatse, khaitseli. Re tsebise kamoo u—kamoo khathang tema.

<sup>312</sup> U a lumela, khaitseli? [Khaitseli o re, “E, ke etsa joalo.”—Mong.]

<sup>313</sup> Oho Ntate ea Ratehang ea Maholimōng, ke rapella khaitseli ea rōna, ke tsepile hobane U tla mo folisa joale. Ke mo beha matsoho, ka Lebitso la Jesu Kreste.

Joale u lumela. Ke hantle. Tsamaea feela, u ntse u lumela.

<sup>314</sup> U a lumela, moena? [Moena o re, “E.”—Mong.] Libe tsohle li boletsoe?

<sup>315</sup> Molimo o Ratehang, ke U rapela ho folisa moena oa rōna le ho mo phekola, ka Lebitso la Jesu Kreste. Amen.

<sup>316</sup> U a lumela, khaitseli?

<sup>317</sup> Oho Molimo, kea rapela, ka Lebitso la Jesu Kreste, ka boikokobetso, ka mosaa le ka bonolo ba hora ena, Moea o Halalelang o ke o phelise mosali enoa. [Khaitseli o re, “Me kea rapela, ke rapella mora oa ka. Ke qetetse ho ‘mona lilemo tse mashome a mabeli a metso e mene tse fetileng.”—Mong.] Ke rapela Molimo ho u romella mora oa hao, khaitseli, moratuoa. Molimo a u hlohonolofatse.

<sup>318</sup> Molimo o Ratehang, ke rapella khaitseli ea rōna mona. Ka mosaa oa Moea o Halalelang, A ke a tle joale a folise khaitseli ea rōna, ka Lebitso la Jesu. Amen.

U hlohonolofatsoe, khaitseli.

<sup>319</sup> Molimo o Ratehang, ke rapella moena oa ka, a sa eme mona 'me ke mo beha matsoho, 'me ke kopela pholiso ea hae, ka Lebitso la Jesu.

<sup>320</sup> U hlohonolofatsoe, moena oa ka. [Moena o re, “Molimo a u hlohonolofatse.”—Mong.] Ke hantle.

Moshanyana e monyenyane?

<sup>321</sup> Molimo o Ratehang, matsoho a behoa holima mothoana enoa, ke mo hlohonolofatsa ka Lebitso la Jesu Kreste, bakeng sa pholiso ea hae.

<sup>322</sup> U a lumela joale, khaitseli? [Khaitseli o re, “E.”—Mong.] Le uena u batla ho rapelloa?

<sup>323</sup> Molimo o Ratehang, kea mo rapella, ke sa mo beha matsoho. Joale, thomo ea Hao ke eona ena, U itse ho etsoe sena, “Mehlolo e tla tsamaea le ba lumelang ke eona ena. Ha ba beha matsoho holima ba kulang, ba tla fola.” U e buile, Morena. Amen.

Joale, O itsalo, ha A rialo na? E tlamehile joalo, khaitseli.

<sup>324</sup> Molimo o Ratehang, ke U rapela ho folisa khaitseli ea rōna ho mo phelisa, ka Lebitso la Jesu Kreste. Amen. Molimo a u hlohonolofatse, khaitseli.

<sup>325</sup> U tla u lumela, khaitseli?

<sup>326</sup> Molimo o Ratehang o Maholimōng, ke kopa mahlohonolo a Hao ho theohela holima khaitseli ea rōna, ke mpa ke mameila seo U se laetseng ho etsoa. U itse, “Mesebetsi e tla tsamaea le ba lumelang ke eona ena. Ha ba beha matsoho holima ba kulang,” U itse, “ba tla fola.”

<sup>327</sup> Ha nke ke khefutse nakoana feela mona, ho bua sena, e le ho phomotsa batho nakoana, nakoana feela. Mosomi e mong o kile a re, ho ’na, taba eo ha e joalo. Empa, ua bona, O itse, “Mehlolo ena e tla latela.”

<sup>328</sup> Le utloile Molaetsa oa *Khotla*, Jesu o emisoa khotla. Ua bona, O ne a re ho Nohe, “Pula e ne e tla na.” Pula ha ea ka ea na ka lilemo tse lekholo le mashome a mabeli, empa qetellong ea na. O ne a re ho Abrahama o tla fumana mora ka Sara. E hlahile lilemo tse mashome a mabeli a metso e mehlano hamorao. Ha A ka a bolela neneng. O itse ba tla fumana mora. Lilemo tse mashome a mabeli a metso e mehlano hamorao, ea etsahala. Ua bona, ha A bolela neneng.

<sup>329</sup> O itse, “Thapelo ea tumelo e tla pholosa mobabi. Molimo o tla ba tsosa. Ha ba beha matsoho holima ba kulang, ba tla fola.” Na ebe O itsalo? [Phutheho e re, “Amen.”—Mong.] Ha A ka a re ba tla qhoma hona moo. O itse, “Ba tla hlaphoheloa.” Ua bona, eo ke tsepiso ea Hae. Re lumela sona seo.

<sup>330</sup> Tloo, khaitseli. U a lumela ke ’nete? [Khaitseli o re, “E, ke etsa joalo.”—Mong.] Ka hona ha ho mokhoa oa ho thibela pholiso ea hao.

<sup>331</sup> Ke beha khaitseli matsoho, ka Lebitso la Jesu Kreste, bakeng sa pholiso ea hae. Amen.

<sup>332</sup> Na u a lumela, khaitseli? [Khaitseli eo o re, “E.”—Mong.] Na libe tsohle li boletsoe, le ho itokisa?

<sup>333</sup> Molimo o Ratehang, ke beha khaitseli matsoho, ka kutlo molaong oa Hao, ’me ke kopa pholiso ea hae, ka Lebitso la Jesu. Amen.

<sup>334</sup> Ke batla lona ba ntseng ba rapelloa, ke batla hore le nketsetse mohau. Ke batla hore le tlalehe, pele likopano li fela, se etsahalang; ’me le lumelle letšoelle, batho ba bang, ho bona se hlileng se etsahalang. Mohlomong hosane, letsatsi le hlahlamang, kapa neneng, le shebelle feela se tla etsahala.

<sup>335</sup> Mangolo a ka a poso a supa hoba ho—ho fapané haholo ho feta ho ba lumella ho leka, ho leka tumelo ea bona. Hobane, Jesu o itse, “Ba tla ba beha matsoho. Ba tla ba beha matsoho, ba tla fola.” Joale le utloisise seo A se buileng. Ha A re ba tla qhoma ba mathe holimo-le-tlase fulurung. Ba ka ’na ba etsa joalo. Empa O

itse, "Ba tla fola." Na ke sona seo A se buileng? Ke sona seo A se buileng. Ke sona seo ke se lumelang. 'Me O teng mona joale, eena Ea buileng Lentsoe o teng mona ho e etsahatsa.

<sup>336</sup> U a lumela, monghali? [Moena o re, "Amen."—Mong.]

<sup>337</sup> Ntate ea Ratehang ea Maholimōng, ho latela maipolelo a tumelo ea hae le ka ho lumela, ke mo beha matsoho holimo, ka Lebitso la Jesu Kreste, bakeng sa pholiso ea hae.

<sup>338</sup> Molimo o Ratehang, ke beha mosali enoa matsoho, ka Lebitso la Jesu Kreste, bakeng sa pholiso ea hae. Ho lokile.

<sup>339</sup> Ntate ea Ratehang, ke beha mosali enoa matsoho, ka Lebitso la Jesu Kreste, bakeng sa pholiso ea hae. U itse, "U tla fola."

<sup>340</sup> U itokiselitse pholiso, khaitseli?

<sup>341</sup> Molimo o Ratehang, ke mo beha matsoho, ka Lebitso la Jesu Kreste, hore U tle u mo folise.

<sup>342</sup> Ho lokile, khaitseli, moratuoa, sohle se loketse pholiso? Tumelo ea hao e arabetsoe joale, u a lumela u tla phelisoa joale?

<sup>343</sup> 'Me, Molimo, ke mo beha matsoho, ke mamela molao oa Hao, "Lefatšeng lohle, sebopuoa se seng le se seng." Ke mo beha matsoho, ka Lebitso la Jesu, bakeng sa pholiso ea hae.

<sup>344</sup> Molimo o Ratehang, ke beha matsoho holima moena oa ka, ka Lebitso la Jesu Kreste, bakeng sa pholiso ea hae.

<sup>345</sup> Molimo o Ratehang, ke beha matsoho holima khaitseli, ka Lebitso la Jesu Kreste, bakeng sa pholiso ea hae.

<sup>346</sup> [Sekheo lebanteng—Mong.]... ho theohela pakeng tsa litulo. Ke mpa ke sa batle ho le khathatsa. U tla itokela ha u ka e lumela joale.

<sup>347</sup> Molimo o Ratehang, ke U rapela ho folisa khaitseli ea ka, ka Lebitso la Jesu Kreste. Amen.

<sup>348</sup> [Sekheo lebanteng—Mong.]... ho leka ho nthusa ho rapella batho bana.

<sup>349</sup> Joale mona re tšoere lisakatuku tse 'maloa, le lintho tse joalo, ka mona, tse tla rapelloa. 'Me ke batla le tsoelepele ho rapella le 'na joale, joale, bakeng sa liphaselā tse nyenyane tsena, joale. Kea tseba ho batho e utloahala e makatsoa ho rapella nthoana e kang ena. Empa ha u ka kena ofising ea ka feela, hang, 'me ua sheba. Hola ra boloka mapaki a lilemo tsena tsohle, kea kholoa le ka sitoa ho li bokella kalaneng ena, a ba folisitsoeng ka ho romelloa masela a thapelo ka mokhoa ona, limilione tsa bona, le ho pota le ho pota lefatše. Joale, na lea tseba hoo ke—hoo ke eng?

<sup>350</sup> Motho e mong a nke sakatuku eo ea—ea mocha... Na u tla khona, ho tseba sakatuku ea hao, moena? Ho lokile.

<sup>351</sup> 'Me ke bone bana ba banyenyane, ba holofetseng ba folisoa. 'Me u a bona, ke eng, ke ntsha ea kopanelo, kamoo Oral

Roberts a tloaetseng ho bua. Ke ntlha ea kopanelo. Rea rapela. Joale, sena ha re se etse ka borōna, re se etsa hobane Bibele e re laetse ho se etsa. Bohle rea tseba hoo ke 'neta.

<sup>352</sup> Joale, batho ba bangata ba tlotsang lisakatuku, le lintho tse joalo. Be, joale, rea kholoa hoo ho itoketse, ehlile, empa haeba feela re... Bibele ha e aba tlaleha ba ile ba "tlotsa" lisakatuku.

<sup>353</sup> "Empa ba nkile lisakatuku tse amileng 'mele oa Pauluse." Joale na le bona seo ke neng ke bua ka sona? Joale, seo ba se boneng, matla a phelisang ao a ahileng ka ho Pauluse, ba mo tsebile hoba ke mohlanka oa Molimo. Ba tsebile hoba Molimo o ahile ka ho eena. Ba tsebile hoba sohle seo a se amileng se hlohonolofetse. Ba utsorisang taba eo ba bakae? E reng, "Amen." [Phutheho e re, "Amen."—Mong.]

<sup>354</sup> Lea tseba, kea kholoa Pauluse o ne a tsepame le Lengolo mabapi le seo a se entseng. Ha le hopole joalo? Na le batla ho mpolella moo ke hopolang a fumane mohopolo oa ho etsa hoo? [Motho o re, "Ho Elisha."—Mong.] Ho Elisha, ke hantle. Ua bona, Elia o itse, "Nka lere lena u le behe holima lesea." 'Me moporofeta o rometse lere kahobane a tsebile hoba sohle seo a se amileng se hloholofalitsoe. O ne a tseba maemo a hae. O... hola feela a ka etsa hore mosali a lumele sena.

<sup>355</sup> Joale ua bona, joale, ebile le Bibele ha eso re, "Ba tla rapella bakuli." E itse, "Ba tla beha bakuli matsoho."

<sup>356</sup> Joale nahanang feela, batho ba bone, ho moapostola Petrose, Boteng ba Molimo bo bonahetse ho monna enoa, hoo ba—ba bileng ba robatsa batho seriting sa hae, 'me ba fola. Ba e tsebang e lumelana le Lengolo ba bakae? [Phutheho e re, "Amen."—Mong.] Ke Lengolo le lekanang le Johanne 3:16 ka boholo. Ua bona, ntho eohle Ke Lentsoe la Molimo. Joale, batho bao, lea tseba hoba hase seriti sa monna eo se folisitseng batho bao.

<sup>357</sup> Empa, shebang, efèla ha matla a Molimo a ne a lutse holima moporofeta eo, lilemo le lilemo ka mora lefu la hae, hoo eitseha monna ea shoeleng a lahleoa holima 'mele oa hae, masapo a hae. Ebile 'mele o ne o le sieo; e ne e le masapo. 'Me Boteng ba Molimo bo ne bo ahile holima masapo ao, hofihlela monna ea shoeleng eo a boela a phela.

<sup>358</sup> Joale na ha le tsebe hobane oona Molimo o entseng lintho tseo tsohle o mona hantle bosiusg bona? Ho—ho 'na, kea kholoa re tlameha ho ba batho ba thabileng ka ho fetisa lefatšeng lohle. Nahanang ntho ena feela.

<sup>359</sup> Ke—ke kholoa ha kea hlahietsa letšoile mohopolo o reng lintho tsena ke li etsa ka bona. Le—le tseba hantle ho feta moo. Ke, ke moena oa lona, ua bona, 'me ke moena oa lona feela.

<sup>360</sup> Empa kea tseba, ke tseba sena, Molimo o teng mona. 'Me kea tseba hoba O re neile se seng, ha re khone ho se hlaosa, haese ka Lentsoe la Molimo feela, le e tlaleha e tlameha ho hlaha nakong

ena. Ka baka leo, e boetse e re hlahisetsa boitsebiso ba ho tseba hobane re phela matsatsing a bofelo. E re hlahisetsa boitsebiso ba ho tseba hore batho bana, ba khethiloeng, ba thontsoeng, ba bitsitsoeng, ba reretsoeng pele... .

<sup>361</sup> Joale, ke lentsoe le leholo leo, *boitherelopele*, empa bohole re e tseba e le 'nete. Re hlide rea tseba hoba Molimo mohlokaphelotso o no o rere lintho tsohle ka boitsebelopele le pele lefatše le theoa, esita le Konyana e ne e hlajoe; 'me lebitso le leng le le leng le tla hlahi Bukeng, le behiloe Bukeng le pele Buka e ka ngoloa. Joale ba e tsebang e le 'nete ba bakae? [Phutheho e re, "Amen."—Mong.]

<sup>362</sup> 'Me Jesu o tlie ho—ho lopolla ba neng ba le Bukeng. Kahara Bibebe, Konyana e hlahile ka morao ho likharetene, ea nka Buka ea manolla Litiiso tseo E neng e tiisitsoe ka tsona, kahobane O tlie ho tseka tsohle tseo A li lopolotseng. Hona joale Ke 'Muelli, ke 'Muelli ea buellang bao A ba lopolotseng. Bohle bao mabitso a bona a ngotsoeng Bukeng ea Bophelo ea Konyana, ba lopolotsoe.

<sup>363</sup> Joalokaha ke entse tlhahiso e nyenyane e sa khabang bosiu bo bong... . Ke ntse ke emetse e... . lisakatuku tsena tsohle mona. Ha ke leke ho rera hape, empa ke itse ke entse tlhahiso e nyenyane... . Ke kholoa ha utloahale e le ho thunthetsa borapeli, ua bona. Empa mopolasi o kile a alamisa sethole, 'me mahe a sa lekana, eaba o thola lehe la ntsu, a le alamisa sethole 'me sa qhotsa ntsu. Keha e le moihoa hara litsuanyana tseo tsohle, li sa bone lintho ka ho tsoana. Empa sohle seo e kileng ea se bona, e le sethole sa khoho. E kile ea utloa lentsoe le le leng feela, 'me keha le sa tsoane le lentsoe la eona. E sa khone le ho etsisa lentsoe la sethole kapa la litsuanyana. Ebile e sa ananele lijo tsa tsona, ha li eja jareteng ea moliko. Keha e fapanie, leha koana e ne e sa tsebe phapang eo.

<sup>364</sup> Eaba tsatsi le leng, 'mè ntsu a tseba hoba o qhotsitse mahe a makana. 'Me lehe le leng, le tla qhotsa mora oa eona, keha le nyametse. Ka hona a tloha ho ea mo tsoma, 'me a mo fihlela kahara jarete ea moliko. Eaba o hlaba mokhosi. Eitseha a hlaba mokhosi, ntsu e nyenyane ea elelloa lentsoe la 'mè. Joalokaha Jesu a boletse, "Linku tsa Ka li tseba Lentsoe la Ka."

<sup>365</sup> Kea kholoa, maobane bosiu, eitseha ke bona moifo oo oa Mabaptise, Presbeteriene, le eng hape, fale ekaba ba tsoaletsoe tlasa sethole. U ntsoarele, moena, ua bona. Empa 'Mè O tsebile hore baratuoa ba Hae ba tao-tao kantle mane. Ka baka leo eare banna bao ba sa eme mono, keha ba sa phehe khang ka lijo tse tsoang ho 'mè khoho, le lintho tse joalo, empa joale ke lintsu, u a bona, li fofela lijo tsa tsona. Ua bona?

<sup>366</sup> 'Me kea kholoa kereke ke papiso ea seo ke se boneng nakoana e fetileng, ha ke tsoa Tucson, kapa ke tsoa—tsoa

Phoenix, ke ea Tucson. Ka bona ntho e hlollang. Ea roba pelō ea ka, ho bona se hlahileng, kamoo... phakoe, e kileng ea fofa sebakeng, ke moena oa ntsu, e leng papiso ea kereke.

<sup>367</sup> 'Me Jehova ke Ntsu. O bitsitse baporofeta ba Hae "lintsu." O ile a Ipitsa, Jehova, "Ntsu."

<sup>368</sup> Empa phakoe ena e lahlehetsoe ke boitsebiso ba eona, hobane ha e sa hilola e fofa sebakeng e tsoma nama ka tsoanelo ea eona. Empa e tsorama holima lithapo tsa mohala e itšoere joaloka mofielammila. E—e tsomana le mebutla e shoeleng e pitluoeng ke makoli, 'me eona le manōng lia bokana mono li ja 'moho. E qothoma joaloka lenōng, ho ena le ho tsamaea ka tšoanelo ea eona. E lahlehetsoe ke boitsebiso ba eona.

<sup>369</sup> Taba ena ke e bua ka lerato la borapeli le ka hlompho, khale kereke e lahlehetsoe ke boitsebiso ba eona joaloka khaitseli ntsu. E kotsometse mono. Sebakeng sa ho cheka Lentsoe ho fumana haeba lintho tsena li nepahetse, e emela maqephe a mangata a sekolo sa Sontaha a qapiloeng ke seholpha sa bahlalefi tao-tao, 'mutla o itseng o shoeleng o bolailoeng nqa ea kae. E qothoma joaloka lenōng! Molimo a re thuset ho fofela hole le tse joalo.

<sup>370</sup> Litšepiso tsena li tīle. Ha se seo motho a se buang ka Eona, empa ke seo Molimo a se buileng ka tsona! Ke tsa 'nete. Ke thabetse bolekane ba ka le lintsu.

Ha re rapelleng bakuli ba rōna 'moho.

<sup>371</sup> Ntate ea Ratehang ea Maholimōng, thuto e kahara Bibele e re ba ile ba nka liluku le liaporone, tse amileng 'mele oa Pauluse, 'me batemona ba tsoa bathong, le meeā e litšila ea ba lesa. Joale, Ntate, ke eme holima liluku tsena, li bapisa motho mang le mang ea leng teng. Ke 'Mele oa Kreste, 'moho. Re ipolela, ka mohau le ka lerato, re re re mona ho bapisa 'Monyaluoa oa Hae, re bile rea lumela, hore re kene bolekaneng le Eena 'Musong oa Hae. Rea itseba ha re Mohalaleli Pauluse, empa rea tseba hobane U sa le Jesu.

<sup>372</sup> 'Me re rapela hore U tle u hlomphe tumelo ea batho bana. Holane ba phetse morao litšiung tsa Pauluse, ba ka be ba utloile eona Evangelī ena, ba bone tsona lintho tsena. Ka baka leo, esale batho ba mofuta oo. U sa le Molimo oo. Ka hona kea rapela, Molimo o Ratehang, U tle u sitse tumelo ea bona, kamoo U sitsitseng bao ba litsiung tsa Bibele. 'Me matla afe batemona, maloetse afe, mahloko afe, a tlamileng batho ba bapisitsoeng ke lisakatuku tsena le liphasela, matla a mabe ao a maloetse a ba tllohele.

<sup>373</sup> Ho boletsoe, ka mohla o mong, mohla Iseraele e ne e hoanta 'mileng oa kutlo, e habile lefatše la pallo. 'Me hantle temeng ea kutlo, sera sa phalla sa ba tsoaketsa chebeleng, Leoatle le Lefubelu la ba thibella temeng ea kutlo, le mohoantong oa bona. Eaba Molimo o nyarela a le maholimōng, ka Topallo

ea Mollo, 'me leoatle la tšoha. La tšopha maqhubu a lona la checha, hobane maqhubu a Molimo a ne a biloha botebong ba leoatle. 'Me Ea betlela bana ba Hae tsela, bona ba tsamaeang tseleng ea tšebetso.

<sup>374</sup> Joale, Molimo, efèla ha Leoatle le Lefubelu le ka tšoha, la ba la tšopha maqhubu a lona la checha, la tšopha metsi a lona la checha, la betlela bana ba keneng leetong la tšebetso sebaka; Molimo o Ratehang, bosiusng bona, nyarela ka Mali a Mora oa Hao, Jesu, e leng eena Ea entseng tšepiso. 'Me etlereha lisakatuku tsena li behoa holima 'mebele ea batho ba kulang, mahlo a Molimo a ke a nyarele, 'me maloetse ao, liabolosi eo, a tšabe a suthe tseleng. 'Me batho ba tsoelepele leetong le eang Lefatšeng la pallo, ba le matla 'me ba koenne. Kamoo Iseraele le eena a tsamaileng lefeelleng, ho se le a mong ea fokolang hara bona, ka ntlheng eane. Batho bana ba fuoe hona hoo, Ntate, hoba re romela lisakatuku tsena, ka Lebitso la Jesu Kreste. Amen.

<sup>375</sup> Molimo a le hlohonolofatse, e mong le e mong. Le sa inkela lisakatuku tsa lona joale, le lumele ka pelō eohle ea lona. Lea lumela hore Molimo o utloa sena? [Phutheho e re, "Amen."—Mong.] Ua bona? 'Na, 'na ke batla ho bolela sena. Le se ke, le se belaеle, le hanyenyane. Ua bona, e bonahala e makatsa. Le ntšoarele, motsotsotso feela. Le se belaеle, le hanyenyane. Le mpe le lumele joale ho re, seo re se kopileng, Molimo o a se aba.

<sup>376</sup> Lea lumela hore enoa ke Molimo, ea tsebang lekunutu la pelō ea hao? Na lea tseba le bile lea lumela hore eo ke Molimo? [Phutheho e re, "Amen."—Mong.] Joale ak'u batalatse kelello ea hao joale, e ke se be letho lesele. Ua bona?

<sup>377</sup> Joale, holane moso o moholo o ka fihla, hola ketsahalo ena e le histori ea lilemo tse ngata tse fetileng. 'Me batho, mehleng e tlang ho tla, haeba ntho e joalo e ka hlaha, ba tla fihla ba ntse ba re, "Be, holane ka phela mehleng eo, ka e bona e etsoa, moshanyana, ke phetho seo ke neng ke tla tlameha ho se tseba. Ke ne ke tla se lumela hona moo!" Ua bona, eona ntho eo le e lumelang, holane u ne u le teng mohla A neng a e etsa! Le hopole, e sa ntse e le Eena. Ke Bophelo ba Hae ka ho uena. Molimo a le hlohonolofatse.



*Ho KHOLISA LENTSOE LA HAE* SST65-0426  
(Proving His Word)

Molaetsa wona, ka Moena William Marrion Branham, o rerilwe sethatong ka Senyesemane Mantaha mantsiboea, 'Mesa 26, 1965, sebokeng sa Machaba Sa Seleokane Sa Borakhoebo Ba Evangel E Tletseng, Embassy Hotel, Los Angeles, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)